

МЕСЯЦА ФЕВРАЛЯ В 13-Й ДЕНЬ

Преподобнаго отца нашего Мартиниана

На Господи, воззвах: стихиры, глас 2.



Подобен: Егда от Древа:

риидите, якоже цветы сельными / и рай
Божественнаго благорасленными цветы, /
пеньми венчаем страдальца Христова, /
православных овча, / чистоты бо доброта, /
веры жертва, / слава воздержания явися явствен-
но миру. / Темже прият венец Царствия непреме-
нен.

Имея в сердцах твоих огонь, / Мартиниане Бого-
блаженне, Божественнаго Духа, / Сим опалив
нечистоты образ отроковицы / обретесе, уязвив
сопротивоборца мечем его, / отнюдуже приразився
тебе, явися смех предлежа истинно, / и посрамлен
всескверный.

Огонь убо вжегл еси чувственне / противу вражи-
им ополчениям, преблаженне, / мысль стяжав веч-
наго огня, / сладостей твоих разжжение увядил еси
зело; / на камени же ноге твоей поставль, препо-
добне, / на сем храмину создал еси; / по странам
обходя, отче, / терпением твоим венчался еси.

Слава, глас 2:

Радуйся, честная и многочудная палестинская
похвало, / возсия бо нам, яко пресветло солнце, / и,
врага опалив всю силу, уды твои сожегл еси огнем,
блаженне, / в горах бо, и пустынях, и островех
всяко искушение тебе принесет: / в пустыни убо
жену тебе представи, / на камени же в мори
искуситель искусити тя покушашеся, мудре. / Но, о

Мартиниане треблаженне! / Христа непрестанно о нас моля не преста́й, / творящих верою твою память.

И ныне, Богородичен или Крестобогородичен.

Подобен: Егда от Древа:

Грозд всезрелый, Чистая, / Егоже невозделанно во утробе младоносила еси, / на Древе яко узрела еси Сего висяща, / рыдаючи, восклицала еси, зываючи: / Чадо, сладость искапай, / еюже пьянство всякое страстей отъемлетя, Благодетелю, / Мене ради, Тебе рождшия, / Божественными утешеньми, / яко Благоутробен.

На стиховне Октоиха.

Слава, глас 6. Самогласен:

Испещрен одеждею чистоты и просвещен молитвою Божественною, / живуща же имея Христа в себе, от Девы рождшагося, / женским украшением не восхитися, ни сласти плотския прият, / но взиде усердно на тождеработный огонь, / Божественный огонь в сердцах имея, / и чувственным и временным огнем страстный огонь попалил еси, / и геенский пламень угасил еси. / Темже молися, Мартиниане блаженне, / и нам всепагубнаго и вечнаго избавитися огня.

И ныне, Богородичен или Крестобогородичен.

Подобен: Тридневен:

Люди беззаконнейшия, / без правды пригвождающая Тя на Древе, / Дева и Чистая Мати Твоя зрящи, / якоже Симеон прорече, / утробою, Спасе, уязвляшеса.

Тропарь, глас 8:

Пламень искушений слез теченьми погасил еси, блаженне, / и, морская волнения, и зверей стремления обуздавший, зывал еси: / препрославлен еси, Всесильне, огня и бури спасый мя.

Канон, глас 2.

Песнь 1

Ирмос: Во глубине постла иногда / фараонитское всеобинство преоруженная сила, / воплощенное же Слово всезлбный грех потребило есть, / Препрославленный Господь славно бо прославися.

Тайными пѣснями согласнo, приидите, восхва-
лим по́стника благочѣстия днесь, Мартиниана,
вѣрно, / яко́ дѡбре и законно постѣвшася, / тѣмже и
побѣды прѣят от Христа́ венѣц.

Неуклѡнно страхом Христовым, ѡтче, огражда-
емь, / страха вражия, якоже мѡлния, отгна́л еси́, /
страшен бо был еси́ на них терпѣнием
воздержанія / и мечтанными непоколебимь пребы́л
еси́, прехвальне.

Спасительною силою Христовою / искушѣние
тебѣ дѣмонское нашѣдшее удѡбь мимо течѣ, / жены́
найтие, преподѡбне, юже спасый, / уязвил еси́ сея́
ради злоначальника.

Богорѡдичен: Во чрѣве поносивши без мѡжа,
Чѣстая, / и Дѣва же Мати в женах еси́ нетлѣнна, /
Духом Святым Сына Бѡжия зачѣнши во утробѣ, /
Его́же по благоволѣнiю Отца́ родила́ еси́ без
сѣмене.

Песнь 3

Ирмос: На камени мя вѣры утвердив, / разширил
еси́ уста́ моя́ на враги́ моя́, / возвесели́ бо ся́ дух
мой, ввсегда́ пѣти: / несть свят, якоже Бог наш, / и
несть праведен, паче Тебѣ́, Гѡсподи.

Плѡти воздержанiем отмы́л еси́ мѣрзости злобу,
якоже тину, / и обрѣл еси́ чистотою ума́ стези́,
преподѡбне, праведных, / гладких путѣй отбѣг
грѣховных, мѡдре.

Вжилив* сѣрдце твоѣ и разжѣг страхом и любѡ-
вию Господнею, / плоть твою́ опали́л еси́ волею
огнемъ вещественным, мѡдре, / симъ прописуя́ намъ
геѣнны, преподѡбне, негасимый огонь.

Ураняя** твоѣ тѣло огнемъ всеядущим, / гонитель
явился еси́ и венѣчник, / уязвляя супостата́ терпѣ-
нием, / очища́я же помышленийъ скверну, препо-
добне, / и убѣляя́ духом, и дѣвствуя́ плѡтию.

Богорѡдичен: Зачати́е неискусомѡжно, / Божѣ-
ственное Рождѣние несказанно, / паче ума́ бо, / Богъ
же, раждаемыйъ выше́ естества́. / О, Рождества́
Твоего́! / О, чистоты́ Твоея́! / Тобѡю́ бо явилсяъ мнѣ
Богъ в ра́бии*** ѡбразѣ.

* вжилив — укрепив

** ураняя — нанося раны

*** в ра́бии — в рабскомъ

Седáлен, глас 4.

Подóбен: Скорó предварí:

Преподóбный Твой, Гóсподи, / в пощéнии своéм пóдвиги показуя усérдием мно́гим, Христé Бóже наш, / имéя бо крéпость Твою, преобíдяше бéсы, / посечé словом некрéпкую гордыню. / Тёмже Тя мо́лим: спасí дúши нáша.

Слáва, и ны́не, Богорóдичен.

Подóбен тойже:

Дéво Всенепорóчная, яже пресúщнаго Бóга рóждшая, / со безплóтными Тогó непрестáнно моли́ / оставлéние прегрешéний и исправление жити́я дáти нам прéжде концá, / véрою и любóвию пою́щим Тя по дóлгу, / Едíна Всепéтая.

Или́ Крестобогорóдичен.

Подóбен тойже:

Дéво Пренепорóчная, Мáти Христá Бóга, / ору́жие прóйде Твою́ пресвятúю дúшу, / егда́ распина́ема видела еси́ волею Сýна и Бóга Твоегó: / Егóже, Благословéнная, моля́щи не престáй / прощéние прегрешéний нам даровáти.

Песнь 4

Ирмо́с: Пришéл еси́ от Дéвы не ходáтай, ни А́нгел, / но Сам, Гóсподи, вопло́щься, / и спасл еси́ всегó мя, челове́ка. / Тем зовú Ти: / слáва síле Твое́й, Гóсподи.

Умертв́ися томíтеля лéсти обрéтение и побеждéние прíят, / ея́же бо рáди победíти надéяшеся, сéю низлож́ися / и попира́ется дóбле нога́ми крéпко.

Претерпéл еси́ дóблественным нра́вом Гóспода, / стезí управил еси́ и на кáмень всели́лся еси́, преподóбне, без покрóва лежа́щ, / я́ко на Не́бо, возше́д в ма́лый óстров.

Дóблественней и красней твоей но́зе, прехва́льне, / к течéнию простёрл еси́, от страны́ в страну́ преходя́: / бежа́л бо от гра́да страстéй и в безстра́стие достíгл еси́.

Богорóдичен: Пребыла́ еси́ по Рождествé Дéва, Препéтая, / Бог бо Безначáльный яв́ися, из Тебе́ проходя́, / Емúже вчеловéчшуся, подóбия óбраз целу́ем.

Песнь 5

Ирмос: *Свѣта Подателю и веков Творче, Господи, / во свѣте Твоих повелѣний настави нас: / разве бо Тебѣ, иного бога не знаем.*

Дверь обрет добродѣтели, / коварство врага, преподобне, явился еси и жизни моей представитель, / души же наставник, погруженной люте бурю.

Дар Божий прият молитв твоих крепость, / вся совершаеши, мудре, преславно, и спасаеши от глубины, / и от бури избавляеши страстей души наша.

Богородичен: *Во Двою Естество и Ипостаси Единой был еси / и совершен Сый Человек. / Несмѣшен образ или зрак не пострада, Слове, воплощаяся, Господи.*

Песнь 6

Ирмос: *Ко Господу от кита Иона возопи: / Ты мя возведи из глубины ада, молюся, / да яко Избавителю во гласе хваления / истины же духом пожру Тебѣ.*

Силою Божиею укрепль твою душу, прехвальне, / не ужаслся еси, надежду ограждаемь, непреплаваему глубину мудре, прейти, / но спасеся, дельфинми носим.

Житие твое Ангелы истинно удиви, демоны посрами и человеки просвети, / и жену паче спасл еси, / и на стезю пощения привлекл еси.

Подобие твоим трудом и честным подвигом, мудре, / твое преитие по достойнию истинно бысть, / и взят на враги целомудрия победу, / воздержанием змия убив.

Богородичен: *Законы о Тебѣ изнемогша во истинну естества, Дево Чистая, / девствуеши бо, рождши сопрестольна Отцу и Божественному Духу / Слово суща, Бога же и Человека.*

Кондак, глас 2.

Подобен: Твёрдыя:

Яко подвижника благочестия искусна, / и страдальца произволением честнаго, / и пустыни жителя и всельника, / в песнях достойно восхвалим Мартинаана присночестнаго: / той бо змия попра.

Икос:

От конѣц да́же до конѣц прѡйде вещáние крас-
ных добродѣтелей / и Божѣственных пѡдвиг тво-
их: / млад сый вѡзрастом, в пусты́нях возжелáл еси́
пожити, / пѣния Христú, псалмы́ и молитвы воспу-
щая прѣсно; / день же и но́чь возраста́я в болѣзнях
и слезáх, чѣсте жити́е твоѣ скончáл еси́ / и, мúдре,
злоначáльнаго посрамил еси́, / ты бо змѣя попрáл
еси́.

Песнь 7

Ирмос: *Образу златому, на поле Деире служиму, /
триѣ Твоѣ отроцы небрегóша безбожнаго велѣ-
ния, / посреде́ же огня́ ввержени, орошáеми, по-
яху: / благословѣн еси́, Бóже отѣц нáших.*

Вѣщнаго жити́я устáвль себе́, / мона́шествуй,
бѣгай крѣпко, гра́ды вся и страны́ обходи́, / я́ко
достѡйно, / Мартиниáн бо учѣт без печáли пѣти: /
благословѣн Бог отѣц нáших.

Твёрдым хождѣнием Пáвлову был еси́, мúдре,
шѣствию образ, / любóвию гоня́, егóже пости́гл еси́
воздержáния течѣнием твоѣм, / тѣмже и, я́ко стра-
нен мѣра, позна́лся еси́, прехвáльне, Царю́
Небѣсному / и прослáвился еси́ вѣрно.

Течѣние скончавáя пощѣния твоегó, / учени́к
Христóв, / Дúхом Божѣственным проувѣдев отше-
ствие е́же от тѣла, / пояше душѣю несомнѣнною: /
я́ко в рúце Твоѣ, Влады́ко, дух мой и дúшу мою́
ны́не предаю́.

Богорóдичен: *Воду живу́ пода́я, от истóчника
Христóс источи́, / в Твою́ святую́, Преслáвная,
утрѡбу всели́ся, пребыв неслия́нен, / всех нетлѣ-
ния напо́ив, вѣрою зовúщих: / благословѣна еси́,
Бóга плóтию рѡждши.*

Песнь 8

Ирмос: *В пещь огненную ко отроком еврейским
снизшѣдшаго / и пла́мень в рóсу прелѡжшаго
Бóга, / пойте дела́, я́ко Гóспода, / и превозносите во
вся вѣки.*

Совлѣкши́ся чúвственне плотскѣя немощны́я
рѣзы / и мúжества взѣмши одѣжду и рáзум, /
отрокови́ца вопия́ше, постя́щися: / Тя превозно-
шаю́, Иисúсе, во вѣки вся.

Ра́дуется усёрдно, войстинну на ка́мени Христо́ве утверждена / и постом и véрою вооружившись крепко, отрокови́ца вопияше в пёснях: / Тя превозноша́ю, Иису́се, во ве́ки.

Яко преложе́н от тлённых и вь́шняго нетлѣния прича́тник быв, Богоно́се, / и Божество́нное течѣние сконча́в, венѣц приѣм, вопия́л еси́: / Тя превозноша́ю, Иису́се, во ве́ки.

Богоро́дичен: Сше́дый с Небесе́ за милосе́рдие, Ще́дре, Боже вся́ческих, / и ро́ждься от Де́вы, спаси́ пою́щая: / по́йте, вся дела́, Го́спода и превозносите́ Егó во ве́ки.

Песнь 9

Ирмо́с: Чтó о Тебѣ ве́лия и пресла́вная та́йна, / Ада́мова дщи и Вь́шняго Ма́ти, / Еди́ный к Бо́гу небла́зненный ве́рных мост? / Тя немóлчными пёсньми, ве́рнии, Богоро́дицу велича́ем.

Зако́ны превозше́д, о́тче, пощёния, / просия́л еси́, в воздержáнии вся́цем и моли́тве бдя, / постом же, вку́пе и чистото́ю, и говѣнием. / Тѣмже твой Венча́тель при кончи́не страда́ний тя проповѣду́ет — Христо́с.

Досто́ин Бо́гу явився, я́ко до́бре подвиѓлся еси́, / вся́ко бо брёмя отвѣрг, / лё́гко преплы́л еси́, о́тче, вели́кую и тяж́кую жити́я сегó пучи́ну / и пришѣл еси́ в приста́нище ти́хо, прешѣд твоѣ течѣние, му́дре.

Богоро́дичен: Ты еси́ и́стинно, Еди́на Богоро́дице Присноде́во, / христиа́н направлѣние, грѣшников Предста́тельница, / из Тебѣ бо благоче́стно возсия́ избавлѣние. / С Ни́мже Тебѣ по до́лгу в ве́ре песнь скончава́ю.

Свети́лен.

Подóбен: Не́бо звезда́ми:

А́нгельскаго жити́я желая́, удали́л еси́ себе́ в пусты́нях / и, стра́сти покорив́ плóти, равноа́нгелен явился еси́, / Марти́ниане Богоно́сне.

Богоро́дичен.

Подóбен тойже:

Гора́, ю́же предвѣде дре́вле Божество́нный Авваку́м, / присѣнна, часта́, Ты явила́ся еси́, Де́во, / и Ты Дави́д имену́ет усыре́ну и ту́чну.

Преподобный Мартиниан (†ок. 422) с 18 лет поселился в пустыне, близ города Кесарии Палестинской. Там он пробыл в подвигах и безмолвии 25 лет, удостоившись благодатного дара исцеления болезней. Однако враг преследовал отшельника, наводя на него различные искушения. Однажды женщина-блудница поспорила с развратными людьми, что соблазнит преподобного Мартиниана, слава о добродетельной жизни которого распространилась по городу. Она пришла к нему в ночной час под видом странницы, прося ночлега. Святой впустил ее, так как погода была ненастная. Но вот лукавая гостья переделась в дорогую одежду и стала соблазнять подвижника. Тогда преподобный Мартиниан вышел из келлии, зажег костер и встал босыми ногами на пылавшие угли. Он говорил себе при этом: «Трудно тебе, Мартиниан, терпеть этот временный огонь, как же ты будешь терпеть вечный огонь, приготовленный тебе дьяволом?» Женщина, пораженная этим зрелищем, раскаялась и просила святого наставить ее на путь спасения. По его указанию она отправилась в Вифлеем, в монастырь святой Павлы, где в строгих подвигах прожила 12 лет до своей блаженной кончины. Имя женщины было Зоя.

Исцелившись от ожогов, преподобный Мартиниан удалился на необитаемый скалистый остров и прожил

под открытым небом несколько лет, питаясь пищей, которую ему время от времени привозил один корабельщик, а преподобный плел ему взамен корзины.

Однажды во время сильной бури разбился корабль и к острову, где спасался преподобный Мартиниан, волны принесли на обломках корабля девицу по имени **Фотиния**. Преподобный Мартиниан помог ей выбраться на остров. «Оставайся здесь,—сказал он ей,—вот хлеб и вода, через два месяца приедет корабельщик». А сам бросился в море и поплыл. Два дельфина вынесли его на сушу. С тех пор блаженный Мартиниан стал вести жизнь странника. Так продолжалось два года.

Как-то, придя в Афины, преподобный заболел и, чувствуя приближение кончины, вошел в храм, лег на пол, призвал епископа и попросил предать свое тело погребению.

Блаженная девица Фотиния осталась жить на острове, где и провела в уединении 6 лет, а затем отошла ко Господу. Кончину ее открыл все тот же корабельщик, привозивший ей, как и преподобному Мартиниану, пищу. Он перевез тело блаженной Фотинии в Кесарию Палестинскую, где оно было с честью похоронено епископом и клиром.

Память преподобных Зои и Фотинии празднуется в один день с преподобным Мартинианом.

В
ТОЙЖЕ
ДЕНЬ



Святого Симеона, Сербскаго учителя и мироточца новаго

НА МАЛОЙ ВЕЧЕРНИ

На Господи, возвах: стихиры на 4, глас 4.

Подобен: Званный свыше:



Вожественнаго разумения приим, Симеоне,
сияние, / очи просветив твой сердечнии, /
ереси мрак отвергл еси, / Православия же
веру яко хоругви воздвигл еси, / и от князя
тьмы люди твоя исхитил еси, / и благочестием сих
просветил еси, / твою память достойно славим, /

моляще молитвами твоими Иисуса Человеколюбца / спасти и просветити души наша.

Царствующаго всеми, Царя Христа, / яко силен воин / противныя вере низложил еси, / и люди твоя невредими от сих соблюл еси, / и всем, изже в житии добродетели, отче обильен, / яко маслина многоплодоваита воистинну явился еси. / И ныне мастию мира твоего освящаеши, / твою память, Симеоне, поющая, / и молящая молитвами твоими Иисуса Человеколюбца / спасти и просветити души наша.

Присносущаго жития светлости / и еже со Ангелы пребыва́ния, Симеоне, воспомина́я, / светлых жити́я, отче, избежа́в, / крест твой восприём, Распёншемуся тебе ради последовал еси, / и в пустыни поста́ течение совершил еси, / ныне же во светлостех святы́х весели́шися. / Тем твою память досто́йно славим, / моляще Иисуса Человеколюбца / спасти и просветити души наша.

Сла́ва, глас 5:

Преподобне отче, / глас Ева́нгелия Господня услышав, / мир оста́вил еси, / бога́тство и славу в ничто́же вмени́в, / темже всем вопи́ял еси: / возлюбите Бога и обря́щете благодать вечную, / ничтоже предпочт́ите паче любве́ Его, / да егда при́дет в сла́ве Своей, / обря́щете поко́й со всеми святыми. / Егоже молитвами, Христе, сохрани́ и спаси́ души наша.

И ны́не, Богородичен:

Тебе мо́лимся яко Бо́жией Матери, / Благословенная, / моли́ о спасении душ наших.

На стиховне стихиры, глас 3.

Подобен: До́ме Евфра́фов:

Бога́тство на земли, ра́дуясь, разда́в, / ныне ве́село на Небесе́х прие́млеши, / Симеоне, возда́ние.

Стих: Честна́ пред Господем / смерть преподобных Его.

Славу с сынóм презр́евше тленную, / Божественныя славы вовеки сподобистесь, / идеже ныне о нас мо́литесь.

Стих: Восхва́ляются преподобнии во славе / и возрадуются на ло́жах своих.

Избавите отцы, / ко Христу молитвами вашими, / от всяких бед и озлоблений вашу память почитающих.

Слава, глас 8:

Царя всех, Христа Бога, любовью, / души своя уязвивше, / царствия красоты оставивше, / нижняя вся яко не сущая преминувше, / Евангельски Тому последовали есте. / И добре подвизавшися в пустыни, / смирением и воздержанием бесовския полки уничижили есте, / темже безконечныя жизни сподобившися, / с Небесными лики ныне веселитесь. / С нимиже, Богоноснии отцы Симеоне и Савво, / Спасу всех молитесь / умирить мир и спасти души наша.

И ныне, Богородичен:

Кров Твой, Богородице Дево, / врачевство есть духовное, / вонь бо прибегающе от душевных недуг избавляемся.

Тропарь писан на велицей вечерни

Слава, и ныне,

Богородичен: Тя ходатайствовавшую:

НА ВЕЛИЦЕЙ ВЕЧЕРНИ

Блажен муж: 1-й антифон.

**На Господи, возвах: поставим стихов 8
поем стихиры, глас 5.**

Подобен: Радуйся постников:

Радуйся, Симеоне блаженне, / разумом Троицы озарився, / и люди твоя к Ней верою просветил еси, / и силою Креста укрепляемь, / душегубительныя ереси низложил еси, / и церкви святых воздвигл еси, / славити же воплощагося Сына, / равна Отцу и Духу научил еси, / правдою и милостию украшаяся, / и всеми делы Божественными обогащаемь явился еси. / И ныне со Безплотными, радуясь, предстоиши, / с ними же Христови молись / душам нашим подати велию милость.

Радуйся, Симеоне Богоносе, / истинною любовью уязвився, / нас ради на земли странствовавшего / и от Девы воплощагося, Христа Бога, / Царствия красная преобидел еси, / рода же и чад учуждився, / человеки удивил еси

устранѣниемъ мира, / бѣсы посрамилъ еси смиреніемъ твоимъ, / Ангельскія лики радости исполнилъ еси. / С нимиже водворяяся, света исполняяся Божественнаго / и пребогатаго наслаждаяся сиянія, / Христови, отче, молися / даровати мірови велию милость.

Преподобне отче Симеоне досточудне, / горы Афона дошедъ / и ревнительъ бывъ в ней постыщимся, / юношески въ старости подвигся воздержаніемъ и молитвами, / зело, душу твою обновивъ, и тучами слезными напоивъ сию, / Троическую благодать въ ней посеявъ и возрастивъ, / и красное Тоя ныне явился еси пріятелище: / ныне же рака твоя явися исполнь Святаго Духа, / миро исцеления изливающая, / юже мы, людіе твои, обстоюще, блаженне, / молитвами молимся Христу Богу, / даровати намъ велию милость.

Ины стихиры о мироизлітїи его, гласъ 2, самогласны:

Міро благовонно, / яко река Духа благодатию наводняема, / рака мощей твоихъ яже источаетъ, / и бесовъ полки мѣсленно погружаетъ, / благочестивыхъ же людей страсти и чернота очищаетъ, / и душъ скверну омываетъ, / и сердца веселиемъ напаяетъ / тебе, отче, предстоящихъ и молящихся ко Господу: / молитвами твоими избавитися душетленныхъ томлений.

Плотское родительство / въ духовное сыновство повинувъ, / твоему сыну, юноши, / въ старости послушливъ въ пустыни, Симеоне, явился еси. / Темже и во гробѣ, яко живъ сый, послушалъ еси, / послание его любовью пріемъ, / миро отъ мощей твоихъ источилъ еси, / иже верою черплюще богатимся. / Тем сердца и души освящаяще, / васъ прославльшаго Христа величаемъ, / яко дивна во святыхъ Своихъ.

Источивый воду изъ суха камене, / существо естества претворяяй якоже хощетъ, / иже всея твари Господь крепостию, / и стенописанное твоего образа подобие / изъ сухаго вара мироточиво, Симеоне, отче, явилъ есть. / И яко древле непокориваго Израїля, / благопокоривыя люди твоя удивляетъ, / знаменами же и чудесы прославляетъ предъ ними, / яко Моисея Своего угодника.

Слава, глас 6:

Всечестный праздник святыя твоея памяти, / Симеоне отче всеблаженне, / любовию собравшеся, / достойно ублажающе, глаголем: / радуйся, благочестия начало людей твоих, / из нихже терние ереси искоренив, / Православныя веры лозу насадил еси; / радуйся, Троицы поборниче, церквей воздвижение, / и нищих богатителю; / радуйся, смирения образе и странствия учителю, / иже текущее царство отринув, / постнически в пустыни пожил еси, / и ныне со Ангелы у Христа веселишися, / к Немуже о нас с ними молися, / спастися душам нашим.

И ныне, Богородичен:

Кто Тебе не ублажит, / Пресвятая Дево, / кто ли не воспоет Твоего пречистаго рождества, / безлётно бо от Отца возсиявый Сын Единородный, / Тойже от Тебе, Чистыя, пройде, / неизреченно воплощся, / естеством Бог сый, / и естеством быв человек нас ради, / не во двою лицу разделяемый, / но во двою естеству неслитно познаваемый. / Того моли, Чистая, Всеблаженная, / помилуватися душам нашим.

Вход. Прокимен дне. Чтения (зри стр. 339—340).

На литии стихиры, самогласны, глас 4:

Блажен еси воистинну, Симеоне отче досточудне, / ты бо истинное совершение Евангельски подражав, / богатство раздал еси требующим, / и взял крест твой, Богоносе, / сим Учащему последовал еси, / земными Небесная изменив, / тленными славу нетленную возмездил еси, радуяся, / и ныне со Ангельскими лики на Небесех сцарствуеши Христу Богу. / Егоже моли, преподобне, / всякия соблазны змиевы избавитися / на земли твою память творящим.

Тайными на Небеси блистаными / Пресветлыя Троицы озаряем, Симеоне присноблаженне, / причастием Божией благодати высок бываеши, / источаеши бо на земли миро исцеления, / обогащая верою приходящая, / но, яко Престолу предстои Христа Бога, / от Негоже, отче, обожаем, / верою твою память творящим Божественную / от искуше-

ний многообразных моли избавитися / и спастися душам нашим.

Разшѣдшеся по земли яко исполнителие Евангелія, / отѣчество и род остависте, / обаче, и по смѣрти живуще, / людей своих всячески не остависте, / Божиим бо мановѣнием от чужестранства во своя приидѣте. / Темже и Церковь Божия весело мѣщи ваша прият, / и, сими украсившися, радуется, / мысленно же исповѣдается, глаголющи: / просветися добрѣта моя, паче всякия лепѣты: / величит слава моя Господа, / воздавшаго ми двѣицу святую, сына со отцем невѣстовожды, / и утверждѣние веры, приятіе достѣинств моих. / Се бо архиереов великій верх, / Савва прехвальный, и Симеѣн дивный и многопѣтый / шѣствие духом на Небеса сотворше, / в нѣдрех моих телѣсно паки водворшася, / приидѣте, праздниколѣбцы, / коегождо сих вкупе похвалим: / ѡваго убо, яко царство оставивша, / в пустыни постившася, смиреніем вознесѣнна, и миро источающа. / Ѱваго же пустынное воспитаніе, яко мученика пощѣнием, / и яко апостолов проповѣдание, / обоих изыщне трудившихся, / и во всех Христу угождших. / К Немуже, яко имуще дерзновение, / молятся спастися душам нашим.

Слава, глас 5:

Вострубим трубою песней, / всех к похвалѣнію достѣйному, Богоносных отец, ныне созывающе. / Цари и князи да дивятся, / иже всех Царя искренним рабом, / иже князя тьмы смиреніем низложѣша. / Пастырие и учителя, преподѣбнии же и постницы / вси сошѣдшеся восхвалим: / отца убо, яко перваго веры наставника, / реку милостыни, скорбных утешение, / и всех болящих милование. / Сына же, яко молитвами Богоданна, / и млеко́м пощѣнія воспитанна, / изрядна пастыря же и учителя: / оба наставника людей своих, / и тепла к Богу молитвами предстателя, / ихже похваляюще, сѣце рцем: / О, отцы и пастыри добрии, / Симеѣне преподѣбне и Савво священне: / Троице ныне яко предстоите / молитѣ спастися душам нашим.

И ныне, Богородичен. Германа Патриарха:

Востру́бим трубу́ю песней, / прекло́ншися бо
свыше Всецари́ца Мати Дева / благослове́ньми
венчава́ет воспева́ющая Ю. / Цари и кня́зи да
стеку́тся / и Царице да воспле́щут в пёснях, / Царя
рождшю, / сме́ртию одержи́мыя пёрвее, / разре-
шити человеколюбно благоизво́лившаго. / Па́сты-
рие и учи́телие добраго Пастыря, / Пречистую
Матерь, соше́дшеся, да восхва́лим: / Свёщник зла-
тоза́рный, светно́сный о́блак, / Небес простра́н-
нейшу, одушевлённый же киво́т, / огнезра́чный
Влады́чен Престол, / манноприёмную злату́ю ста́м-
ну, / заключённую Слова дверь, / всех христиан
прибе́жище, / песньми Богоглаго́ливыми похваля́-
юще, си́це рцем: / пала́то Слова, / сподоби смире́н-
ных нас Небёснаго Ца́рствия, / ничто́же бо не
возмо́жно ходата́йству Твоему.

На стиховне стихи́ры, глас 1.

Подобен: Небёсных чино́в:

Небёсных красот сия́нием, / разумно, отче, про-
свещáемь, / вся, яже на земли красная, оста́вив, / и
за вся Христа стяжа́в: / тем светлую твою память
пёсньми сла́вим, / и твой гроб святы́й верою
облобыза́им, / моля́щеся моли́твами твоими ко
Господу, / получить живота вечнаго свётлости.

Стих: Блажен муж, бойся Господа, / в за́поведех
Его восхо́щет зело́.

Прише́ствием святы́х мощёй твоих / отечество
твое обогати́ся, / и светлая церковь твоя сих
приёмши, / и миропода́тельны их иму́щи кра́сит-
ся, / и вся верныя созывáет, / светно́сную и
святу́ю память твою пра́здновати, / тайно к ним
глаго́лющи: / стру́й исцеления, ми́ро почерпи́те; /
веру, яко верно даю́ще приходя́щим, празднолю́б-
цы, приими́те.

Стих: Честна́ пред Господем / смерть преподоб-
ных Его.

Проро́ческая словеса́ соверша́емая ви́дяще, гла-
го́лем: / пра́ведницы во веки живут, / от Тебе,
Христе, воздая́нием, / се бо отец с сыном / и по
смерти паче живота хвали́ми. / Ов убо миро
источая яви́ся, / ов же цел и неразруши́м благоухá-
ет, / оба отгоня́ща дүхи лука́вствия, / от Тебе

прославляема свыше:/ оба чудесы удивляема силою Твоею.

Слава, глас 3:

Благочестия истинныя проповедники/ и Церкви пресветлыя звезды,/ Симео́на перваго веры поборника,/ Савву же истиннаго учителя и служителя Евангелия,/ и сказателя Христовых священных таин,/ обоих пёсньми похвальными почтём./ Сии бо паче солнца просияша в верней твёрди,/ яко лучами, учением,/ в нощи неведения сущих возведоша./ Сии плёвель злочестия истерзавше,/ благочестием люди свои возрастиша/ и богатую правове́рием ниву возделаша./ Сии истиннаго винограда Христова грозд зрел,/ истинную веру, на стёблях чад своих но́сят:/ егоже ве́рнии яду́ще,/ с веселием стеце́мся к ним, моля́щися:/ Симео́не Богоно́се, Савво свяще́нне,/ Сербская похвало́ и удобре́ние,/ па́стырие и учи́телие,/ перваго Па́стыря и Учи́теля, Христа, моли́те,/ душам нашим подати ве́лию милость.

И ныне, Богородичен:

Без семене от Божественнаго Духа,/ волею же Отчею, зачала еси Сына Божия:/ от Отца без матери прежде век суща,/ нас же ради, из Тебе без Отца бывша,/ плотию родила еси,/ и Младенца млеко́м пита́ла еси:/ темже не престай моли́ти изба́виться от бед душам нашим.

Тропарь, глас 3:

Божественною благодатию просветився,/ и по смерти показуеши светлость жития твоего,/ источаеши бо миро благоухания/ притекающим к раце мощей твоих,/ и люди твоя наставил еси к свету Богоразумия,/ Симео́не отче наш,/ Христа Бога моли́/ даровати нам ве́лию ми́лость.

НА УТРЕНИ

На Бог Господь: тропарь святаго, Слава, и ныне, Богородичен.

По 1-й кафизме седален, глас 8.

Подобен: Премудрости и слово:

Милостива Бога, милостию себе, отче, устроить хотя́,/ милостив стяжал еси разум/ и милостивно нищия уще́дрил еси./ Несто́ящим богатством

смысленно, во веки недви́жимое искупил еси, / еже ныне восприе́мля, радуешися. / Симеоне Богоно́се и всеблаже́нне, / моли́ Христа Бога, прегреше́ний прощение дарова́ти / чту́щим любвию святу́ю память твою́.

Сла́ва, и ны́не, Богоро́дичен:

Яко Деву и Едину в жена́х, Тя безсе́менно рождшую́ Бога плотию, / вси ублажим ро́ди чело-вечести́и, / Огнь бо всели́ся в Тя Божества́, / и яко Младенца́ млеко́м пита́еши Зиждите́ля и Господа. / Тем А́нгельский и челове́ческий род достойно славим всесвято́е рождество́ Твое / и согласно́ вопие́м Ти: / моли́ Христа Бога, прегрешений оставле́ние дарова́ти, / покланя́ющимся веро́ю Пресвято́му Рождеству́ Твоему́.

По 2-й кафизме седален, глас 1.

Подобен: Гроб Твой, Спа́се:

Утро благоле́пно возсия́в людем твоим, / тьму глубо́кую е́реси отгна́в, отче, / и ду́ши их просвети́л еси веро́ю. / Темже це́рковь твоя́ светоза́рная, мо́щи твоя́ иму́щи, / поет днесь светно́сную твою́ память, Симеоне, Христа́ велича́ющи.

Сла́ва, и ны́не, Богоро́дичен:

Наста́ви ны на путь покая́ния, / уклоня́ющийся присно к безпу́тием зол, / и Преблага́го прогне́ва-ющая́ Господа, / Неискусобра́чная Благослове́нная Мари́е, / приб́ежище отча́янных человеков, Бо́жие пребыва́ние.

По полиеле́и седален, глас 8.

Подобен: Премудрость и слово:

Миродержа́ния и мирски́х красот яко со́ния льстя́щая оста́вив, / и во Афóнстей пустыни́ с сыном всели́вся, / иде́же словесное стадо́ Господеви собра́вше, / имже и всесветлии свети́льницы яви́стеся, сми́рением проходя́ще. / Темже, любви́ю восхваля́юще, велича́ем исходную́ всесвяту́ю вашу́ память, / моля́щеся Богоно́снии отцы, Са́вво и Симеоне, Христу́ Богу, / па́ству вашу́ в мире и союзе любви́ сохра́нити.

Сла́ва, и ны́не, Богоро́дичен:

От Трѳи́цы Еди́наго преесте́ственно заче́нши Дево, / и чу́дно Сего́ породила́ еси паче́ слова́ и мысли, / и о́бщно́ Божества́ естества́ устро́-

ила еси человѣческое естество, древле изгнанное. / Темже сошедшеся, Рождеством Твоим вси спасшися, Всенепорочная, / Твоим словесем послѣдующе должно Тя ублажаем, / моляще Христа Бога прегрешений оставление даровати, / верою Тя славящим, Матерь Его.

Таже степенна, 1-й антифон 4-го гласа. Прокимен, глас 4: Честна пред Господем смерть преподобных Его. Стих: Что воздам Господеву о всех, яже воздаде ми. Всякое дыхание: Евангелие от Матфея, зачало 43.

По 50-м псалме стихира, глас 6, самогласна:

Воссия днесь преславно / всесветлая твоя, Симеоне, память / созываючи нас, празднлюбцев, / к похвалению во славе Христа Бога нашего: / иже прирещуще к раце мощей твоих, / мироисцеления дары приемлем, / но яко имея дерзновение, / мир испроси душам нашим.

Канон Пресвятыя Богородицы со ирмосом на 6, глас 8: Воду прошед яко сушу. И святаго два канона на 8. Канон святаго, глас 4.

Песнь 1

Ирмос: Лицы израильтестии / невлажными стопами / понт чермный и влажную глубину прогнавшие, / всадники тристаты враги видяще в ней погружены, / с веселием пояху: / поим Богу нашему, яко прославися.

Фесвитянина ревностию студныя ереси потреби еси, / с нимиже ко Христу молитвами твоими студныя моя помыслы потреби молися. / Яко да возмогу дерзновенно похвалити тя, Симеоне Богоносе присноблаженне.

Егда сиянием Пресвятыя Троицы, преподобне отче, озарився, / ереси мрак оставив, / люди твоя возвел еси от тьмы неведения во свете Богоразумия, / Симеоне Богоносе и присноблаженне.

О Бозе верою возмоя, еретическое шатание низложил еси, / и рог верных Церкви вознесл еси, / Христа Отцу Сына Единосущна, и Духу равночестна, / Троицу Неразделимую во едином Божестве люди твоя чести научил еси.

Богородичен: Добро́тою благодати преукраше́нная, Богора́дованная, / Отчее Слово плотию я́вльшееся, за благосе́рдие неизрече́нное, / па́че ума и слова, Благослове́нная, родила́ еси: / пребы́вши Девую по рождестве́, Нескверная.

Ин канон святого о мироизлитии, глас 8.

Песнь 1

Ирмос: *Посе́ченный несеко́маго пресече́ / и ви́де солнце зе́млю, ю́же не ви́де, / лю́таго врага вода потопи́ / и непроходи́мое про́йде Израиль. / Песнь же воспева́шеся: / Го́сподеви по́йм, славно бо просла́вися.*

Сло́во разума подаждь ми, Безначальне Слове, / имаши бо богатство милосе́рдия безчи́сленных Твоих суде́б, / да и аз душевнаго мрака избе́гнув, / скверну же ума очисти́в, досто́йно воспою́ Твоего уго́дника.

Богосве́тла тя свети́льника позна́хом, / светом Богоразу́мия люди твоя, Симеоне́ отче, озари́вша / и тьму е́реси отгна́вша пе́рвее, / ныне же миром мо́щей твоих вся облагоуха́еши. / Тем светонóсную твою́ память пра́зднуем.

Исправле́нием веры, о́тче, просия́в, / реку́ мило́стыни из сердца твоего ни́щим источи́л еси, / отнюду́же мира источни́ки излива́еши: / ихже струи́ веселят град Божий, твою́ церковь: / в нейже твою́ память пра́зднуем.

Ра́ка мо́щей твоих, Симеоне́, кладезь я́вися исцеле́ния, / источа́ющи миро благоуха́ния, / имже сердце мое омьи́, молю́ся ти, благоуха́ние показу́я Христу, / и ум мой обвесели́ твою́ светонóсную память воспева́ти.

Я́ко два свети́ла верою́ люди своя просветисте, / чуде́сными блиста́ньми, слова пропове́данием мрак е́реси от них отгна́вше, / и ныне погáн нахо́да и всякия ско́рби молитвами вашими, Са́вво и Симеоне́, сих изба́вите.

Богородичен: Церковь пресветлую Божию ве́дый Тя, / всех тварей войсти́нну вы́шшую, Симеон, Твой уго́дник, Богома́ти, / све́тлу на земли церковь во Твою́ славу воздвиге, Чистая, / в нейже чи́стыми гла́сы блажа́щая Тя спаса́й.

Катава́сия по уставу.

Песнь 3

Ирмос: *Не мудростию, и силою, и богатством хвалимся, / но Тобою, Отчею Ипостасною мудростию, Христе, / несть бо свят паче Тебе, Человеколюбче.*

О благочестии завидим, / братнею ненавистью в темнице затворяеши, / идеже образом мученика Георгия Ангел, отче, является ти, / тяжкия оковы от тебе растерзая, / и от смертоносныя ямы, Симеоне, изведе тя.

Суемудренный плача достоин, о твоей любви негодя, / Каин нравом, паки убить ты покуси, / множество иноплемennых на ты совокупив. / Их же, о Господе возмогая, / кошию обращая, Симеоне, низложил еси.

Иже на ты сети уготовав, / в них подобно увязает, / Богу мечь свою на нем отдавшу; / и якоже древле морем фараона, / и сего речными водами потопи, / тебе, отче, прославляя достойно, яко на него уповавша.

Богородичен: *Едина Ты порока не причастна / и скверны не имущи, Дево Чистая, / покоище же паче явилася еси Небесных благ, / в Тя бо вселися Христос, добродетели вся святыня Пренепорочная. / Егоже моли порока нас избавити молитвами Твоими.*

Ин

Ирмос: *Утверждей в начале Небесá разумом / и землю на водах основавый / на камени мя, Христэ, заповедей Твоих утверди / яко несть свят паче Тебе, Едине Человеколюбче.*

Блажен муж Давидом पहले наречеся и нами ныне похваляем, / совета нечестивых Симеон неприем / и пути беззаконных уклонився, / закону же Господню поучаяся, / древо плодовито насадився. Духа благодатию напаяемь.

Плоды добродетелей, благоухания Делателю Христу приносяя, явился еси, / от Негоже благодать прием, мир ныне источаеши, / просветившия же память твоя, во веки прославися, / Симеоне Богоносе, похвало людям твоим.

Псаломски яко финикс верою, Симеоне, во Христе процвел еси, / и яко кедр благочестием

чада твоя умножил еси, / и миром мощей твоих
умащая, / твою память любовию поющих.

**Всех красных мира чувства прешед смыслом,
отче, Богомудрым, / к вышней жизни умом прело-
жився, / идеже ныне со Ангелы веселишися / и
мира твоего источники люди твоя радостно напая-
еши.**

**Свету великому предстояще и отонудными
зарями осияеми, / и пребогатыми лепотами сия-
юще, / души раб своих, Симеоне и Савво, просвети-
те, / еже воспети светоносную вашу память до-
стойно.**

**Богородичен: Дойши млеком всех, Дево, Пита-
теля, / рожденнаго без тли из пречистаго Твоего
тела, / и держиши на руку вся Содержащаго, / и
сокрушенных тлею паки назидаяща: / и нас в вере
не подвижимых наздати, молися.**

Седáлен, глас 8.

Подобен: Премудрости:

**Другий Авраам нравом и дѣлы явился еси, /
милостию и верою украшаяся, / отечества и рода
изшел еси Бога послушанием, / и в странах
чуждых угодно Тому пожил еси. / Тем и Авраамле
причастие тебе даровася, / идеже ныне восприем-
ля, радуешися, / и рака мощей твоих источает
миро исцеления, / твоя сыны веселящи, поющия
тя: / Симеоне отче Богоносе, / моли Христа Бога
прегрешений оставление даровати / чтущим любо-
вию святую память твою.**

Слáва, и ныне, Богородичен:

**Егда придет судити всю землю всех Владыка и
Творец, / овцам мя сопричти десным осужденна-
го, / и кромешния тьмы и всякаго мучения Твоего
непотребнаго раба исхити, молюся, / да благодар-
но величаю богатство Твоя благости, Богородице
Всенепорочная, / и вопию Ти, радуясь: / молися
Христу Богу прегрешений оставление дати мне, /
Тебе бо имам надежду раб Твой.**

Песнь 4

**Ирмос: Любве ради, Щедре, Твоего образа / на
Кресте Твоем стал еси, / и растаяшася языцы, / Ты
бо еси, Человеколюбче, / крепость моя и хваление.**

Нераздельным Светом Божества Трисветлыя Троицы, Симеоне, люди твоя осиянием просветил еси./ Еюже, отче, возмогая, волки-еретикі отгнал еси, вопия:/ слава силе Твоей, Господи.

Единством веры и надежды,/ и любве союзом душу твою, преподобне, имея утверждённую,/ милостив и прав сердцем явился еси:/ и сего ради яко праведнику свет истины возсия тебе/ и того супругу веселие.

Доброты возделев недомыслимыя,/ яже в житии добре устроив,/ сверстники же и чада оставив,/ богатство и царство, отче, преобидев,/ крестоносно пустыню наследовал еси,/ и с сыном упразднвися, вопия:/ слава силе Твоей, Господи.

Богородичен: Оживи мя Едина Заступнице верных,/ Ты бо Мати Бога была еси, Творца же и Содетеля,/ приёмша наш образ, Пренепорочная,/ и спасшаго от тли и смерти, и славою Божиею прославльша.

Ин

Ирмос: Услышах, Господи,/ смотрения Твоего таинство,/ разумех дела Твоя/ и прославих Твое Божество.

Авраама страннопріятием подобыся,/ Йова милостивное ницелюбие подражая,/ око слепым, и нога хромым, отец сирым, и всем милование явился еси,/ и паче сих изящнейшая взыскал еси.

Юношеское совершение возлюбив,/ богатство твое нищим раздал еси,/ и царство оставив, Христу последовал еси./ Темже на Небесех сокровище тебе даровал есть,/ отонудуже богатство, мир, Симеоне, источаеши.

От благоутробнаго твоего сердца,/ богатою рукою, еже к нищим,/ мир ныне истекает,/ люди твоя умащая, преподобне, твоя добродетели похваляющия:/ возмездна бо была тебе, отче, первым вторая.

Яко райский крин, верою процвел еси,/ и яко маслина, милость источая явился еси,/ и яко шипок тайный, процвел еси пощением:/ сего ради благовония и честнаго мира церковь твою исполняя, благоухаеши люди твоя.

Тлѣемая славы красоту возненавидевше, / мира и миродержанія мыслию Богомудрою избежавше, / и в пустыни пощѣнием просвѣщшеса Симеоне и Савво, / память вашу поющих молитвами вашими озарите.

Богородичен: Помощь имениту обрѣтше Тя, Богородице, Савва и Симеон, Твои угѣдницы, / ересей храмы разорше и Церкви в славу всех Бога Сына Твоего воздвигѡша / в них, Чистая Владычице, Заступницу христиан Тебе поющих спасай.

Песнь 5

Ирмос: *Ныне востану, пророчески рече Бог, / ныне прославлюся, ныне вознесуся, / падшаго прием от Девы / и к свету умному возносяй Моего Божества.*

Славен в житии земнаго царствия, богатством и славою явился еси / и сие постническим изменив, / Христа Царя, на земли воплощагося нищете, отче, уподобился еси, / тем многими тя дарами обогатил есть.

Текущими нестойтельными стоящая и вечнуюющая / и временными тленными Небесная изменив, / идеже со Ангелы ликую радуешися, / о нас, иже твою память, Симеоне, совершающих молися.

О добрая купли твоя и премудраго пременения! / погибавшим богатством вечное искупил еси / и нижнее властью вышнее Царство изменив / в немже ныне, отче, веселяся, / ко Христу о нас молися.

Богородичен: Истинную Тя Богородицу свѣмы, Пречистая Владычице, / и из Тебе рождагося Бога Слова ведуще, / во двою существу проповѣдуема и воли самовластно познаваему, Христа Бога, / Матерь Богоневѣстная.

Ин

Ирмос: *Вскую мя отринул еси / от лица Твоего, Свете Незаходимый / и покрѣла мя есть чуждая тьма окаяннаго / но обрати мя и к свету заповедей Твоих / пути моя направи молюся.*

Упразднитесь и разумейте, Давидом услышав, яко Аз есмь Бог, Бога глаголюща, / царство мятежное, Симеоне, оставив / в пустыни пощѣнием

упразднѣлся еси, / яко подобне разумѣти Бога и от Него разумѣтися.

Светѣльника мѣсленно пресвѣтла людие твои получѣвше тя веселѣмся, / Божѣственной бо верою тобою просвещаеми / и миром святых твоих мощей, Симеоне, облагоухаеми / обогатѣшися радуемся.

Услѣшахом твоя дивная первее славы царствія преобидение, / ныне же преславная видим чудеса стенаписанное бо твоего образа подобие, / от сухаго вара мощем подобно миро источает.

Таковою славою прослави тя, / таковыми чудесы удиви тя, / таковыя почести дарова тебе на земли, / Иже богатя дары дает, Христос, любящим Его / в Небесных, отче, ихже око не виде, кто доволен изглаголати.

К животу нестарѣющемуся и радости нетлѣнней / к веселию войстинну паче ума, Симеоне и Савво, прѣставистеся / дѣтельным бо любомудрием вѣщественных отбѣгше, невѣщественная получѣсте.

Богородичен: Странное Твое зачатие, Отроковице, / странное и страшно, еже паче ума, Чистая, Твое рождество, / устранишееся древле от Бога человѣческое существо / Тому собираючи, Владычице, / и доброту первую назидаючи.

Песнь 6

Ирмос: Буря мя многих согрешений моих потопляет / и изнемогает дух мой, / но Ты, Господи, / яко Милостив, спешд, / возведи живот мой.

Научен вышнею, Симеоне, премудростию, / и нижняя презрев яко несущая, / в пустыни пощением вселился еси, / Богу же присно исповѣдаяся и к Нему, отче, любовь прилепляяся, / радостно пожил еси.

Искусен в житии земному воинству, / на супостаты победы многия поставив, / и во иночестве смирением и молитвами бесов полки мѣсленно победил еси, Симеоне отче, / во обоих хвалим.

Паче умныя славы райския доброты наслаждения / и света разумнаго сущия радости надежду, отче, увеселяем, / в пустыни усердно с

сыном пожил еси./ Тем у Христа во веки с ним,
Симеоне, радуешься.

Богородичен: О нас моли Сына Твоего, Господа
же и Бога, Чистая Владычице,/ вседержительною
силою вся носящаго,/ и в немощное плоти из Тебе
облекшася,/ Дево Всенепорочная, на благодеяние
человеков Человеколюбец.

Ин

Ирмос: Молитву пролию ко Господу/ и Тому
возвещу печали моя,/ яко зол душа моя
исполнися/ и живот мой аду приближися,/ и
молюся, яко Иона,/ от тли, Боже, возведи мя.

От многих служимь, послужити избовил еси,/ от
пребогата убог хотя быти войстинну, отче,/
доброю изменою изменився, псаломски подобно
рещи:/ сия измена десницы Вышняго.

Храм себе Богу сотворив,/ церковь Того Матере
с сыном в Горѣ святей воздвигл еси,/ юже и
облагоухал еси миром святаго твоего тела./ Яже
ныне благолепием, сыны твоими украшаема, гроб
твой обновляет,/ память твою празднующих.

Делы добродетелей живоначальное действо от
Живоначальныя Троицы прием,/ мертвость гроба,
забвения ходатая, яко животочащ ныне являеши:/
не потай бо твоих исправлений, Симеоне, струями
мира твоего.

Благодать вседетельная Духа первее селение в
тебе обрѣтши,/ ныне раку мощей твоих осеняючи,
мира издающую кладязь, сию содела;/ от негоже
благодать, блажаще тя, почерпаем, Симеоне пре-
подобне, и иноков украшение.

Непреклоннии столпы Церкви Христовы, Симе-
оне и Савво явистесь:/ вы бо яко персть, ереси
поправше,/ люди своя возвысисте к вере
благодѣстия./ Тем Ангелом сограждане бысте,
воспевающе с ними:/ Свят, Свят, Свят Отец и Сын,
и Дух Святой.

Богородичен: Иже мановением вся содержай и
царствуй веки всеми Христос Бог,/ из Тебе,
Богомати, воплотися, безстрастен Сый Боже-
ством,/ мене ради Кресту сочтася,/ Егоже страсти
желающе Твои угодницы,/ царство земное
оставльше, постнически Тому сраспяшася.

Кондак, глас 6.

Подобен: Еже о нас исполнив:

Ангельское возлюбив на земли житие, / миро-
держание и мир оставив, / пощением Христу,
Симеоне, последовал еси, / к Немуже любящих тя
апостольски наставил еси, вопия: / возлюбите
Бога, якоже Он возлюбил нас.

Икос:

Иже до распятия и смерти нас ради Смиривша-
гося, / крест, пощением смирився, отче, понесл
еси, / и тем, хвальною престою своею утверди
на облацех, / якоже га гордаго доблественно
подвигся, низложил еси. / Тем вельми тя прослави
Христос, Великий Дародатель: / Емуже ныне пред-
стоя, поминай, яко отечестволюбец, / и от нападэ-
ния противных стадо твое соблюдай неразсыпа-
емо / и, умащая миром, твоя люди знаменай, /
губителя душ бежати от них творяй, Симеоне,
молитвами твоими, / апостольски же наставляя и
вопия любящим тя: / возлюбите Бога, якоже Он
возлюбил нас.

Песнь 7

Ирмос: Спасый во огни Авраамския Твоя
отроки / и халдеи убив, / яже правда праведно
уловляше, / препетый Господи, / Боже отец наших,
благословен еси.

Юношески в старости тесный путь шествовати
изволив, / к пространству рай и древа животного
достигл еси, / идеже ныне наслаждаем радуеши-
ся, / и нам сих достигнути ко Христу, Симеоне,
молися.

Ты на земли нищим Бога, отче, взаимовав, / Иже
тебе в Небесных преподобных и праведных при-
частье дарова, / яко ревнителю их на земли
бывшу, / Ангелом равночестна ты устрои.

Егоже заповеди соблюдая, Христа, любовьию
просвещаем, / светлая мира оставив, молвы же
пустынею житейския избежав, / и о Господе, отче,
поучаяся, / премирную тишину получил еси.

Богородичен: О выше ума Твоих похвал, Пречи-
стая Дево! / Яко Бога зачэнши, Содетеля же
Творца и Господа: / темже роди вси человечестии

и Безплóтных умов чиноначáлия Тя блажáт, / и мы вси яко Матерь Божию непрестáнно Тя слáвим.

Ин

Ирмос: *Бóжия снизхождéния / огонь устыдéся в Вавилóне иногдá, / сего́ рáди óтроцы в пещи рáдованною ного́ю, / яко во цвётнице ликующе, пояху: / благословén еси, Боже отец на́ших.*

Разумевáя на ни́ща и убóга, / благ муж милуяй и дая явился еси, / и благиости Божия сподобився, благих землю наслéдовал еси: / отонúдуже и нас ныне, Симеóне, весели́ши, / облагоухáя струя́ми мира твоего.

Вседúшно Христа возлюбив и Того заповеди соблюдáя, / яко рекою, благоутрóбием изсóхших нищетою богато напо́йл еси. / Тем твою память возвелíчил есть / и рáку мощéй твоих миром, отче, обогатíл есть.

В пещи пламенем рóсу источíвый, / и из сухáго жезла цвет израстíвый, / дивен в дéлах Своих Господь: / и твоегó образа стенопíсанное подóбие, / из сухáго вáра, Симеóне, миропрозьябáющее явил есть.

Безмерным твоим смирением, / безмерно хвалою в́исящагося на земли гóрдаго смирил еси. / Ныне щíтом молитв твоих от кóзней его люди твоя, Симеóне, защищáй, / мастию мира твоего знамену́я пою́щия: / благословén Бог отец наших.

Свётло отцы пёрвее ваше житие / светлейше же ныне память и честнéйши: / сокровище бо блáгости и дом милости яв́истесь, / и первыя благиости существа сподобистесь, Симеóне и Савво, / истинно ублажáеми и достойно хвалíми.

Богородичен: *Огненными блистáнии просветí омрачénное мое сердце, рождшáя на земли Востока мýсленнаго Сóлнце, / Имже просветíвшеся Твои служíтели, Сáвва и Симеóн Богомáти, / люди своя на западе озарíша и научíша пети: / благословен Бог отец наших.*

Песнь 8

Ирмос: *Избáвителю всех, Всесíльне, / посреде́ пламене благочéствовавшия, / снизшéd оросíл еси / и научíл еси пéти: / вся дела благословíte, пойте, Гóспода.*

Чувственных доброт яко сония избежав,/ и мысленных получитьи возжелев,/ в Гóру святую вшел еси, Симеоне,/ сына наставника подвигом духовным имея,/ желаемых непогрешил еси.

Единаго желая к жизни ведúщаго пути,/ мира красных мимотéкл еси./ Тем премирное наследие стяжал еси,/ отонúдуже просветил еси дúши поющих тя,/ просвещения неизречénнаго, Симеоне, сподобляемь.

Солнце на земли добродéтелию сына твоего обрёт,/ того словесы, отче, просвещаемь,/ звезда светлэйшая явился еси. С ним же предстоя́ Христу Богу,/ о нас, хвалящих вашу память, отцы, моли́теса.

Богородичен: **И**же Отцу Единорóднаго / и от небытия́ Отчим советом всяческа́я составившаго, / Слова Божия Безначáльна Боголéпно родила́ еси, / плóтию бывшаго нас ради Человека. / Сего ради Тя, Богородительницу, православно мúдрствуем.

Ин

Ирмос: **С**едмерицею пещь / халдéйский мучитель, / Богочестíвым неистовно разжжé, / сýлою же лúчшею спасены сйя́ видев, / Творцú и Избáвителю вопияше: / óтроцы, благословите, / священницы, воспóйте, / лúдие, превозносите во вся веки.

Яко утро, яко солнце память твоя возсия, / просвещáющи сердца верных, / ты бо света и дне явился еси наследник, / идéже, отче, водворяяся ныне, / поминай твою память блажáщих, и поющих: / дети, благословите, священницы, воспóйте, / лудие, превозносите во вся веки.

Селó мýсленное, душу твою, к нищим мýлостию посéяв, / угобзýвшися ти плоды живóтныя в вечных жítницах собрал еси, / и от обýлия Небéснаго твоего богатства, / миром на земли благовóнным сыны твоя украшáеши.

Прекрасный душею твой, отче Сáвво, любéзный, / другаго тя патриáрха, яко перваго Йо́сиф, новаго нам Изра́иля принóсит, / не от Егýпта рабóты, но от святыя горбы: / и в земли людей твоих утверждéние мироточíва положил есть.

Церковь твоя великая, Божественный яко рай видится, / раку мощей твоих, отче, имущи, / цветы различныя многообразныя твоя добродетели чудесно прозябаючи, / и твою память, Симеоне, чтущия облагоухает поющи: / отроцы, благословите, священницы, воспойте, / людие, превозносите во вся веки.

Чужестраннии гроби по́стническими вашими телесы освятішася, / земля ваша благословіся пришествием мощей ваших, / церкви же ваша украшаются, мироподательны и благоуханны сих имуща: / яже от Бога миром спасайте.

Богородичен: Святая, двери отвори ми, Чистая Богородице, / сущим во тьме свет неопісанный, / опісаннаго плотию Христа, правды Сólнце, обліста́вши. / Егоже лучами Сávва и Симеон озарівшеся, / страну людей своих верою Тому присвоиша.

Песнь 9

Ирмос: *Е́ва убо недугом преслушания / кля́тву вселила есть, / Ты же, Дево Богородице, / прозябением чревоношения мірови благословение процвела еси. / Тем Тя вси велича́ем.*

Мног в милости и во благодости обрётся, / многих выше ума благ наследник явился еси, / яко сын отеческих сокровищ. / О, великодárныя руки! / О, дарования превосходящаго Христа, просла́вльшаго тя, отче Симеоне.

Единаго от Троицы родившагося, церковь светлу воздвигл еси, / идеже твоя мироточивая мощи цельбу верою приходящим пода́ют. / В нейже людие твои память твою, отче, ублажа́юще, / Христа величаем.

Отягченнии прегрешеньми, и страстьми преклоненнии, / к тебе, отче, прибегаем, / обо́их разрешение ищуще, / но яко избранник Владыки Христа, / твоими молитвами воздвигни нас от душетлennых страстей.

Ныне святая твоя память, совершающих ю освящает, / свято бо, отче, пожил еси житие, / и светлости святых уллучити сподобился еси. / Сподоби и нас уллучити часть достояний твоих, / не понося́ величеству прошения.

Богородичен: Единого от Троицы, Едина Мати бывши, / со дерзновением Сыну Твоему молися, / спасти от насилья мучительска, пленения же и рабѣты рабы Твоя: / тихость же и спасение подати Тя величающим.

Ин

Ирмос: Ужасѣся о сем Небо / и землі удивѣшася концы, / яко Бог явѣся человеком плѣтски / и чрево Твое бысть пространныйшее Небес. / Тем Тя, Богородице, / Ангелов и человек чиновачалия величают.

Пришествием первее мощей твоих / отечество твое радости исполнися, / предстателя тя к Богу стяжавше; / и память твою ныне торжествующе, веселимся, / обогащаемы мастию мира твоего.

Яко столпа высока и крепка, / яко блага поборника и отечестволюбца, / христоименитии людие твои имуще тя, противных, отче, востания, / и всякия злобы ко Христу молитвами твоими, Симеоне, избавляемся.

Мощей ваших приятием церкви ваша на земли обогащася, / и духом на Небесех первенец Церковь просвещаете. / В нейже со апостолы, яко учителя, / и со преподобными, яко спостницы, / о нас, Симеоне и Савво, молитесь.

Престолу великому предстояще, призирайте на люди своя: / и приемше наше моление, мир от Христа испросите земли нашей / и во благовѣрии нас утвердите.

Преподобнии и преблаженнии, / Богомудрии и Богоноснии, / равноапостолы и чудотворцы, / пастыри же и учителя, / многохвалыми же и многоименитии отцы, Симеоне и Савво, досточуднии, / от нас песнь сию приемше, спасайте рабы своя.

Богородичен: Пламене огненнаго мя свободи, / яже паче ума Огнь рождши Непостоянный, / пришедшаго огонь разума на землю вверещи. / Имже Твои угодницы разжэгшеся, Богомати, / любовью Тому последоваша.

Светилен.

Подобен: Духом во святѣлицѣ:

От Божественныя благодати, отче, просвещаемь, / мраком ереси одержимыя просветил еси

люди твоя: / и жития светлости отрещи́ся собою научил еси. / Тем ты любовию чтим, Симеоне мудре, монахов похвалó.

Сла́ва, ин свети́лен:

Яко два свети́ла мЫсленныя тверди, / страну́ людей своих верою просвещаете. / Темже память вашу че́стно соверша́юще, / сла́вим просла́вльшую вас, Пресвятую Трóицу. / Симеоне и Савво, дво́ице святая.

И ныне, Богородичен:

Иже Твой, Всенепоро́чная Богородице, образ не целует, во огонь вмещается ге́енский, / якоже безу́мный Арий. / Мы же, Пречы́стая, любовию лобызáем, Засту́пнице мира, / верою Тя славяще.

На хвалíteх стихиры на 4, глас 2.

Подобен: Егда от Древа:

Егда на земли зако́нно пожил еси, / сокровище добродéтелей обрётеся: / дом отверст всякому любовию имéя, / сырых отец и нищих заступник явился еси, / милости же непресека́яй источник, / милости ради явльшагося на земли, / Христа, Слова Божия, заповеди соблюда́я. / Тем и во Царствии Его ныне при́ймлен, / Симеоне отче радуешися.

Егда промышлénием Вышняго тебе жребий подадéся / первому побóрнику церквей во отéчествии твоём быти, / подвижно е́реси отгна́л еси, / и вседу́шно церкви Богу воздвигл еси, / Правосла́вия же верою люди твоя утверди́л еси. / Тем святую твою память почита́юще, / моли́твами твоими ко Христу, Симеоне, мо́лимся: / в День Сýдный изба́витися нам мучéния.

Егда ко Христу любовию уязв́всся, / Царствия красоты́ оста́вил еси, / и, раду́ясь, Тому последова́в, / усердно пустыню пости́гл еси, / и в ней Богоугодно пожи́л еси. / И ныне духо́вное во плоти действо, / мертв во гробе, яко жив показу́еши, / ми́ро источа́я, / люди твоя освяща́еши, / Симеоне, отéчеству твоему́ удобрение.

Яко звезда утро возвещáющая, / сия́еши людем твоим, преподо́бне, / пёрвее возвестив им МЫсленное Утро, Христа Бога, / и верою к Нему паче солнца просветив, / ныне же покрывáеши от

озлоблѣния враг, / и от бури всякия и беды, отче, изимáеши. / Тем твою память совершающе, Христа Спаса восхваляем, / тебе прослáвльшаго, Симеоне.

Слáва, глас 8:

С похвалóю светло память твоя, преподóбне, сотворяется, / и рáдости наполняет твоя дóблести похваляющих. / Ты бо Давíдски Богу, / держáвен земли зело умом взявся, / царство оставив, Христу послéдовал еси, / и в гору святую пришел, / идеже пóстнически с сыном подвизáвся, / очи душевныя просветíл еси, / и свет, Симеоне, быв, / к сиянiю незаходíмому премиnúл еси. / С нимже ныне Христу предстояще, / молитвами вашими к Нему поминáйте, / стадо ваше сохранíti от волкóв гúбящих е.

И ныне, Богородичен:

Влады́чице, прими́ молитвы раб Твоих, / и избави нас / от всякия нúжды и печáли.

Таже, славослóвие вели́кое: и даётся елѣй брати от кандíла святаго, поюще вкупе стихíры глас 4, самогласны:

Приидíte, праздниколóбцы, / приидем и мы, братие, / ибо пресвѣтлая память отца нашего возсия. / Приидите любѣзно сию совершающе рцем: / радуйся, светлая похвалó веры и ересей низложителю, / радуйся, Цѣркве украшение, / радуйся, Духа Святаго обíтелище; / радуйся, мироточíве Симеоне отче Богоно́се; / всех Царя Христа Бога нашего моли́ / избáвити нас от соблазн лукаваго / и спасти́ дúши наша.

Стих: Честна́ пред Гóсподем / смерть преподóбных Его.

Пред Гóсподем смерть ваша, преподóбнии, честна́ войстинну явiся: / якоже бо Безплóтнии во плóти телесней, / врагí невидимыя, подвигшеся, победíли есте, / рóды убо благочестíвых воспева́ют вас, / изряднее же честна́я стада́ йноков, / яже Боголепно в цѣрквах Божественных собрали есте, / в них же похваляюще вашу память, Симеоне и Сáвво, / вашими моли́твами всякия напáсти соблюсти́ся нам, / ко Христу моли́тесь, / имúщему вѣлию милость.

Слава, глас 6:

Приидите, православных собори, / во всечестном храме Богоносных отец, / псаломски согласную песнь сих Прославльшему воспоим; / дивен еси, Боже, во святых Твоих, глаголюще: / и коемуждо сих вкупе возопийм: / радуйся, зёмный Ангеле, Небёсный человеце, Симеоне преподобне; / радуйся, равноапостолов учителю, Савво всесвященне; / радуйся, предстателю и похвало христоименитых людей своих. / И ныне у Христа предстояще, / прилежно к Нему, отцы, молитесь, / от всяких бед нас избавити / и спасти души наша.

И ныне, Богородичен:

Преложение скорбящих, / пременение болящих еси, Богородице Всепетая, / спаси град и люди, / боримых умирение, / обуреваемых тишина, / едина Предстательница верных.

НА ЛИТУРГИИ


Блаженны: от канона песнь 3-я, глас 4-й и песнь 6-я, глас 8. Прокимен, глас 7: Честна пред Господем смерть преподобных Его. Стих: Что воздам Господеву о всех, яже воздаде ми? Апостол ко Галатам, зачало 213. Аллилуия, глас 2. Блажен муж, бояйся Господа: Евангелие от Марка, зачало 37. Причasten: В память вечную будет праведник:

В
ТОЙЖЕ
ДЕНЬ



Ина служба преподобнаго отца нашего Симеона Новаго, Сербскаго

На Господи, возвах: стихиры, глас 5:

 реподобне отче, / добру обрете лествицу, / еюже взыде на высоту, / еюже обрете Илия колесницу огненную, / но он восходища инем не остави, / ты же по кончине твоей во отечестве своем путь показа царствующим, / Небёсный человеце и земный Ангеле, / светильниче отечеству своему, Симеоне блаженне, / моли о спасении душ наших.

Преподобне отче, / аще бы отечеству твоему
вещати, / то не бы молчал глаголати, / болѣзными, и
труды, и слезами твоими / направляя на веру
истинну стадо свое, / яко древо, напояемо учением
твоим, / дивѣшася Ангели, чудѣшася человецы,
ужасошася дѣмони / терпѣния твоего, Симеоне
блаженне, / моли о спасѣнии душ наших.

Силою Святаго Духа Владыце своему подобяся, /
владычество свое остави, / прием крест, последова
Христу и вселѣся на Гору Святую, / отнудуже,
помощь приемши, / источает твоѣ рака миро
благодати, веселящи твоя сыны, / тебе предсто-
ящия, Симеоне блаженне, / моли о спасѣнии душ
наших.

Слава, глас 8:

Отче преподобне, / мимотечѣ царство земное, /
избрав богатство — словеса святая, / и та избови
хранити, / оставив супругу и чада и вся земныя
красоты, / возшед на Гору Святую, со Ангелы Богу
служити, / молися Христу непрестанно о творя-
щих твою память.

На стиховне Октоиха. Слава, глас 6:

Преподобне отче, / глас Евангелия Господня
услышав, / богатство и славу царствия ни во
чтоже вменив, / и ко всем возопи: / возлюбите Бога
и обрящете благодать вечную, / ничтоже предпо-
читайте любви Его, / да, егда придет во славе,
обрящете покой со всеми святыми. / Темже и мы
все верно на торжество его светло стецемся, /
добраго пастыря светло воспоем песньми: / раду-
ся, монахом похвало и утверждение, / моли Бога о
нас, Симеоне блаженне, / сохранитися стаду тво-
ему невредиму.

Канон, глас 8.

Песнь 1

Ирмос: *Воду прошѣд яко сушу,* / и египетскаго
зла избежав, / израильтянин вопияше: / *Избавите-*
лю и Богу нашему поим.

Божественною любовью разжѣг свою душу, /
угаси плотскія похоти, отче, / невещественное
житиѣ на земли сотворив, Симеоне блаженне.

Божественнии блистания возсия в сердца на-
ша, / творящим ти светлую память, / стадо свое от

напасти, преблаженне, / молитвами своими, Симеоне, избави.

Утвердив тело свое на земли, / прием крест, последова Христу, / животу сподобися нестаряющему на Небеси, / отче преблаженне Симеоне.

Богородичен: Недугующа телом и душею, / посещения Божественного и промышления от Тебе сподоби, / едина Богомати, яко Благая, Благого же Родительница.

Песнь 3

Ирмос: Небснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едице Человеколюбче.

Церкви Божия делатель явися Христу / и во Святую Гору вселися, отче преподобне, / тем, просияв добродетелей блистанием, / Святого зриша, Богоносне Симеоне.

Весь возлюбив духовно течение, / мира и плоти вне быв, Богоносе, / тем прием премудрую славу / и вечное, отче, причастие.

Тело твоих болезней, преподобне, / добродеейнии зрелый процвете клас, / от негоже напоются любовью Божественная чада твоя, / Божественную память ти сотворяюще.

Богородичен: Лютыми недуги и болезненными страстьми истязаему, / Дево, Ты ми помози: / исцелений бо неоскудное Ты знаю сокровище, Пренепорочная, неизживаемое.

Седален, глас 8:

Царство земное оставив, крест свой на рамо восприем, / и всего же себя возложи Богу, и во Святую Гору шествова, / Святому Духу быв причастник, тем и чудотворец явися, / миро источает рака мощей твоих, Богоносе Симеоне, / моли Христа Бога грехов оставление подати чтущим тя.

Песнь 4

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Струями, отче Симеоне, слез твоих / душевные страсти омыл еси, / Божественно бысть Духу покаяние, преблаженне.

Бдение крепко, прошение присноспокойно и любовь презриму / исполни верою, отче преблаженне Симеоне.

Благодать приим, преблаженне, / яко Божий угодник истинный, / источает мощей твоих рака миро благодати.

Богородичен: Надежду, и утверждение, и спасения стену недвижиму имущу Тя, Всепетая, / неудобства всякаго избавляемся.

Песнь 5

Ирмос: Просвети нас повелении Твоими, Господи, / и мщицею Твоею высокою / Твой мир подаждь нам, / Человеколюбче.

Яко многоплодная лоза, грозд процвете, отче Симеоне, / добродеем Божественным покаяния вино изливает, / и страстную мглу от душ наших отгоняет, / и сердца верных возвеселяет.

Напасти различные змии неприязни воздвиг на стадо твое, / но того, отче, оружием крестным и молитвою своею умертви / и мир от Бога отечеству своему испроси, Богомудре Симеоне.

Терпением и воздержанием, славне, козни вражия низложи, / явися непоколебим в напастех, и в скорбех, и в бедах различных, / сохраняя недвижимо владычество своего благочестия мудростию, отче Симеоне.

Богородичен: Исцели, Чистая, души моея немощение, / посещения Твоего сподобльшая, / и здравие молитвами Твоими подаждь ми.

Песнь 6

Ирмос: Молитву пролию ко Господу, / и Тому возведу печали моя, / яко зол душа моя исполнися, / и живот мой аду приближися, / и молюся, яко Иона: / от тли, Боже, возведи мя.

Светило ты имущу, несоблазно* наставляюще, / обретохом путем живоносным, Богоносне, / и ко истине тобою наставляеми быхом, преблаженне Симеоне.

* несоблазно — безгрешно; неизменно.

Бóдренно* избóли Божéственно послáти свет спасéния, / **йже** в ноцѣ злóбы невéдением одержѣми бéхом, / **показá** всем сыны Свéта и дне бѣти, Богомúдре Симеóне.

Бóжия талáнты, **яже** прият, не скры в землѣ, / но, умнóжив я, прият от Бóга благословéние, / тебе рáди словéсно** укрáсив от них, рáзумом просветѣ, / от нѣхже лучá свéтлыя сияют, óтче преблажéнне.

Богородичен: На одре нѣне немощствúяй лежý, / и несть исцелéния плóти моéй: / но, Бóга и Спáса мѣру и Избáвителя недúгов рóждшая, / Тебé молюсь, Благой, от тли недúг возстáви мя.

Кондак, глас 2:

Иго Христóво приём, Симеóне, / и, Тогó Крест **И**взем, последовал Ему, / насаждён в домú Господнем, процветé, **яко** фѣникс, / **якоже** кедр, **йже** в Ливáне, умнóжил есѣ чáда твоѧ, / муж желáний духóвных, чудотвóрец бо явѣся, / Христá Бóга моли непрестáнно о всех нас.

Икос:

О, Божéственныя Вѣшния премúдрости! / испóлни мóй ум, мне, нѣщему, / о, кáко воспóю твоé житиé, отче, или кáко возмогú слóво принестѣ ти? / Но ты подáждь мне крéпость, и рáзум, и слóво, и смысл, / **яко** от твоѣх твоѧ приношý ти, / от богáтства благ блáгость твою, / та бо обрéте и венчá пречестнúю главú твою, получи желáемая, / светѣльник Божéственный явѣся, просвещáя вселénную, отéчества своéго, / тем и мрак грехóвный отгнáв, свѧте, / свѣше испросѣ ми благодáть духóвную, / **й**маши бо дерзновéние ко Христý / Христá Бóга моли непрестáнно о всех нас.

Песнь 7

Ирмос: От Иудеѣи дошéдше óтроцы, / в Вавилóне иногдá, / **вѣрою** Трóическою плáмень пéщный попрáша, поюще: / **отцév** Бóже, благословéн есѣ.

Яко да Вѣшнее Цáрство приимеши и слáву неизречéнную, / **закóном** покорѣвся Владѣще, за-

* бóдренно—бóдрствующе, бдѣтельно; дѣятельно; мужественно, смело.

** словесно—разумно, духовно.

блуждшее взыска и обрете / и, на раме своём взем,
 преблаженне, / яко пастырь, приведе во ограду
 покаяния, отче Симеоне.

С Вышними силами, отче, предстою Живому
 Богу, / Егоже и славою украсився, / распаливсья,
 блаженне, огнем духовным, сласти кал омыв, / и
 бысть кадило в воню благоуханную, / Господеву
 благоприятно, Богоносе Симеоне.

Славу некрадому, богатство неизгибаемо, мудре,
 / добродеением прием, словесы украсив, / Бо-
 жественным разумом просветив ум, / из негоже
 чудеса света посылаются, отче блаженне, / вер-
 ным слух воистину озаряют светло.

Богородичен: Телесныя слабости и душевныя
 недуги, Богородительнице, / любовь приступа-
 ющих к крову Твоему, Дево, исцелити сподоби, /
 Спаса Христа нам рождающая.

Песнь 8

Ирмос: Царя Небеснаго, / Егоже поют вси Ан-
 гелстии, / хвалите и превозносите во вся веки.

Божественнаго Света исполнен быв, отче, / Бо-
 жественней славе явися покорище, / из негоже
 Света Божественнаго молнии лучей подавши, /
 верных лице просвещаяще, / православною верою
 тьму еретическую прогоняя, вопияше: / дети,
 благословите, священницы, воспойте, / людие,
 превозносите во вся веки.

И в житий, блаженне, пребыв, яко второй
 Авраам, / и делом по кончине благодатию Божиею
 рака мощей твоих изливает чудеса дивная, / верою
 просияв, и со Ангелы, славне, совокупися, пояше: /
 дети, благословите, священницы, воспойте, / лю-
 дие, превозносите во вся веки.

Просвети, Богоносе, от Троицы Светом духов-
 ным, облистая, сердца верных, / тьму неверия
 прогнав, Церкви Православную веру содержа, /
 веру, яко броню, крест, яко оружие, любовь, яко
 щит, / яко меч, слово Божие, Симеоне, пояше: /
 дети, благословите, священницы, воспойте, / лю-
 дие, превозносите во вся веки.

Богородичен: Напастей Ты прилоги отгоняеши
 и страстей находы, Дево: / темже Тя поем во вся
 веки.

Песнь 9

Ирмос: *Войстинну Богородицу / Тя исповедуем, / спасеннии Тобою, Дево Чистая, / со Безплотными лики Тя величающе.*

Видети сподобися, отче Богоносе, иже надежду твою и любовь, / ихже око не виде, ни ухо слыша, ни на сердце человеку взыдоша, / красен явися Божественными красотоми, добродеением, Симеоне блаженне, / Красному Владыце радостно предстоиши, / о стаде своем не престаи моляся.

Днесь радостно Церковь твою почитает житие твоё / и приносит ти весело пение, / совокупляюще духовная твою чада, радостно славящим тя, преподобне, / Ангельское твоё житие, дарованную ти светлость и славу, преблаженне Симеоне.

Вопиет ти хвально твою всечестная великая Лавра, / селителя*, и зиждителя, и отечестволюбца имеючи, мудре, / и, хвалящися, поёт непрестанно: / молим тя, Богомудре Симеоне, о стаде твоём прилежно помолися, / твоих трудов получитьи присно и сохранитися стаду твоему невредиму.

Богородичен: *На месте озлобления немощи смирившагося, Дево, / исцели, из нездравия во здравие претворяющи.* **Светилен:**

С Небес со славовенчании из руки Вседержителя / памятью праздника своего отечество своё просвети, / святе Симеоне, поющих тя спасай.

На хвалитех стихире, глас 8:

Преподобне отче, / храм святый явися постом и молитвами, / юже прият твой Владыка милостынею же к нищим, / тем ти благодать даёт, / и святая рака мощей твоих миро благоухания источает, / отче Симеоне, молися Христу непрестанно о творящих твою память.

Преподобне отче, / любви Божия прием, / в Гору Святую вниде, яко Моисей Боговидец, / и, Божия благодати насытився, Богомудре, / радуясь, течаше к подвигу, Христу Богу нашему, / и на Небесная возносим, и светильник нам на земли явися, / отче Симеоне, непрестанно молися о стаде своем.

* селителя — основателя поселений.

Слава, глас 6: Преподобне отче, / мимотечё царство земное: (зри Славник на Господи, возвах: страницы 489—490)



В
ТОЙЖЕ
ДЕНЬ

Ина служба, общая преподобнаго Симеона Мироточиваго и сына его, святителя Саввы Перваго, архиепископа Сербскаго

НА ВЕЛИЦЕЙ ВЕЧЕРНИ

Блажен муж: На Господи, возвах: стихиры на 8, глас 4.

Подобен: Яко добля:



обродетелей Божественною колесницею / восходя, Савво славне, к Богу, / Егоже возлюбил еси, / востекл еси всею душею и сердцем твоим, / и Его озарении осияем всегда, / огненный столп показался еси. / Егоже моли от тли и бед избавитися / верою совершающим всечестную память твою.

Просияв яко солнце, / лучами словес твоих осветил еси вся концы земли, / и Сербию озарил еси лучами благодати, / догматствуя благочестно и уча, приснохвальне, / Единого Господа во двою естеству Сего почитати, / яко Владыку всяческих со Отцем и Духом.

Просвещен Божественным Духом, Симеоне всеблаженне, / сыновьим стопам последовал еси, / и на Святей Горе были есте, чуднии, / Божий дом и благоприятен в ней воздвигше, / в немже ныне поют монашествующих множества, / хвалящие ныне вас, отцы Божественнии, и Христа величающие.

Всякую добродетель усердно возделав, Богодухновенне, / и помазався Духом, помазанием святым, / священник священнейший яве показался еси / и пастырь истиннен и веры поборник. / Сего ради вся Церковь празднует память твою, / священно совершающие и Спаса славыщи.

Слава, глас 6:

Еже по образу соблюдше невредимо, / ум владыку на страсти пагубныя постнически поставль-

ше, / на ёже по подобію яко мѡчно возшли естѣ: / мѡжески бо естество понѡдивше, / потщастеса хѡждшее покорѣти лѡчшему, / и плоть порабѡтити дѡху. / Тѣмже монашествующим явѣстеса верх, / жителіе пустынни, благотекѡщих обучѣтеліе, / прѡвила добродѣтели извѣстнейшая, / и ныне на Небесѣх, зеркалом разрешѣвшимся, / отцы наші Богомѡдріи, чѣсте зрѣте Святѡю Трѡицу, / молящеса несредственне / о ѣже вѣрою и любѡвию чтѡщих вас.

И ныне, Богородичен, глас тойже: Кто Тебѣ не ублажит: Вход. Прокімен дне, и чтѣнія преподѡбническая (зри страницы 339—340)

На литіи стихіры самогласны, глас 4:

Преподѡбни отцы, / добродѣтели усѣрдно воздѣлавше, / органы Святѡго Дѡха явѣстеса, / и от Него прѣимше чудес дѣйство, / научѣсте человеки презирѣти наслаждѣнія. / Ныне же Божѣственным Свѣтом чѣсте осіяваеміи, / просветѣте и наші помышлѣнія, отцы треблаженни.

В премірныя скінии дух твой, / святѣтелю Савво, отче мѡдре, / Христѡс Бог достѡйно прѣя: / ты бо Трѡицы проповѣдник показѣлся еси, / Едѣное Божество Сію воспѣв яве, / дѣйственное хотѣние по Естеству Едѣному Всемѡцному, / подобяся апѡстолов и отцев учѣнію в мѣре, / тѣмже чудес дѣйство Христос ныне тебѣ дарует, / утверждаѣя твоѣ словеса. / Сего ради, воспѣваѡще твоѣ днесь прѣставлѣние, / православно слаvim прославльшаго тя Гѡспода.

Глас 6:

Прѣздне радостен в концѣх днесь, / святѣя пѣмѣть Богоносных отцев, Симѣона и Саввы: / сего ради Сѣрбія сорадуетса, прѣзднуѣя в пѣснѣх и в пѣніях. / Прѣзднуим же и мы, братіе, радостно, / всечестнѡю их пѣмѣть совершаѡще во хвалѣбных пѣніях, и к ним возопѣим: / радуѣся, Симѣоне славне и таѣнниче всех Владѣки Христѣ Бѡга нашего; / радуѣся, Савво Богодухновенне, проповѣдниче вѣры и учѣтелю вселѣнныя. / Яко имѡще дерзновѣние, четѡ светозѣрная, / Христѣ Бѡга нашего молѣте помѣловати дѡши наші.

Сла́ва, глас 5:

Преподо́бнии отцы́, / глас Ева́нгелия Господня
 услы́шавше, / мир оста́вили есте́, / бога́тство и
 сла́ву в ничто́же вмени́вше, / тем всем вопи́яли
 есте́: / возлюбите́ Бо́га, и обря́щете благода́ть
 вѣчную. / Ничто́же предпочт́ите па́че любве́ Его́, /
 да егда́ придет в сла́ве Своёй, / обря́щете поко́й
 со все́ми святы́ми. / Ихже моли́твами, Христе́, /
 сохрани́ и спаси́ ду́ши на́ша.

И ны́не, Богоро́дичен, глас то́йже:

Бла́жим Тя, Богоро́дице Де́во, / и сла́вим Тя,
 ве́рнии, по до́лгу, / град непоколеби́мый, стѣну
 необори́мую, / твёрдую Предста́тельную и прибе́-
 жище душ на́ших.

На стихо́вне стихи́ры, глас 5:

Ра́дуйся, путево́дителя слепы́х, / наста́вниче
 ю́ношества, сла́вне, / ста́рых же́зле, блужда́ющих
 па́стырю, / грѣшников исправле́ние, лу́же благо-
 уха́ннейший, / миропо́ложниче Ду́ха, / златостру́й-
 ная реко́, необурева́емое приста́нище, / Святы́я
 Тро́ицы хра́ме, / па́мятствовавших, пою́ще тя, /
 избавля́яй от скорбе́й и боле́зней и вѣчнаго
 муче́ния, / Христа́ моля́й, да́рующаго ми́ру ве́лию
 ми́лость.

Стих: Честна́ пред Го́сподем / смерть преподо́б-
 ных Его́.

Ра́дуйся, благоче́стия свети́льниче, / Це́ркве
 све́тлое, о́тче, со́лнце, / сла́во мона́шествующих,
 пра́вило молча́ния, / Богомы́слия и де́лания учи́те-
 лю изря́днейший, / святите́лю Богоглаго́ливе, /
 премудро́сти и ве́дения сокро́вище, Са́вво сла́вне, /
 Тро́ицы селе́ние, орга́не Ду́ха, псалти́рю одушев-
 ле́нне, / уста́ Господня, изводя́щая от недостойна-
 го досто́йное. / Христа́ убо моли́ дарова́ти душам
 на́шим ве́лию ми́лость.

Стих: Блаже́н муж, бойся Го́спода, / в за́поведех
 Его́ восхо́щет зело́.

Столп, светя́щийся, добродете́льми утвер-
 жде́нный / и о́блак осеня́ющий яви́лся еси́
 су́щим в пусты́ни, / к Небу́ от земли́ к Бо́гу
 взира́ющих предводя́яй, / креста́ жезло́м развёр-
 зый мо́ре страсте́й, / устремле́ние же Амалі́ка
 обрати́вый в бѣгство. / Невозвратный Небе́сный

путь обрёл еси, Богоблаженне, / и неизреченную часть со Безплотными у Престола, / Емуже, Симеоне, предстоя, / Христа́ убо моли, даровати душам нашим велию милость.

Слава, глас 8:

Монахов множества / наставники вас почитаем, отцы Божественнии, / вашею бо стезею войстинну право ходити познахом. / Блажени есте, Христу рабоставши / и вражью силу обличивши, / Ангелов собеседницы, преподобных сопричастницы и праведных. / С нимиже молитесь Господу, / помилуватися душам нашим.

И ныне, Богородичен, глас тойже: Безвестная Дево:

Тропарь преподобных, глас 1:

Обители Хиландарския священных строителей / и Афона светильники, Сербии похвалу, / Симеона величайшаго, преподобных лепоту, / и род его чудный, святителя, — глаголю, — Савву, / приидите согласно почтим, глаголя: / молити Христа́ Бога / о пастве вашей, блаженнии, / и о еже Церкви свободней быти от обстояний.

Ин тропарь, глас 1:

Иже теплыя заступники в скорбех и напастех имуще, / Симеона Богоноснаго и Савву первосвятителя, / припадём к нима с верою, / яко да молитвами их от напастей избавляеми, / по долгу благоверно Спаса и Бога прославим, глаголюще: / слава Давшему вам крепость, / слава Прославльшему вы чудесы, / слава Избавльшему нас от скорбей молитвами вашими.

НА УТРЕНИ

По 1-м стихословии седален, глас 8:

Пастырское разумение восприяв, монашествующих столпе и стено, / добре упасл еси сущия разумныя паствы твоея: / возлюбив бо Христово Божественное учение, / в них слово посеял еси, всеумдре, / отсюду же и поревновати Ангельскому жителству подвигл еси вся, / единокорно славити Бога Богомудренно, / Савво отче наш, моли Христа́ Бога грехов разрешение даровати / праздноющим любовию святыю память твою.

Слава, тойже, и ныне, Богородичен:

Небесную дверь и кивот, всесвятую гору, светозарный облак воспойм, / Небесную лествицу, словесный рай, / Евино избавление, вселенныя всея великое сокровище, / яко спасение в ней соделася миру, и оставление древних согрешений. / Сего ради вопием Ей: / моли Сына Твоего и Бога прегрешений оставление даровати / благочестно поклоняющимся пресвятому Рождеству Твоему.

По 2-м стихословии седален, глас 4:

Гласу Господа твоего последовал еси, / мир оставив и сладкая мира, Симеоне Богомудре: / великодушно понесл еси тяготу пустыни, / полчища демонов мужественно отгнав. / Сего ради память твою всегда песнями празднуем верно.

Слава, тойже. И ныне, Богородичен:

Обновила еси, Чистая, Божественным Рождеством Твоим, / истлевшее во страстях земнородных мертвенное существо, / и воздвигла еси вся от смерти к животу нетления: / темже Тя по долгу блажим вси, Дево, препрославленная, / якоже прорекла еси.

По полиелёи седален, глас 3:

Столпи непоколебимии благочестия, / основание Богодухновенное Церкви явитесь, отцы славнии: / всея бо Сербии концы просветите словом веры, / Савво славне, с Симеоном Богомудрым, / молитв Христа Бога даровати нам велию милость.

**Слава, тойже. И ныне,
Богородичен, глас тойже:**

Божественная скиния была еси Слова, / Единая Пречистая Дево Мати, чистотою Ангелы превозшедшая, / паче всех мене персть бывша, осквернена плотскими прегрешеньми, / очисти молитв твоих Божественными водами, / подаючи, Чистая, велию милость.

Степенна. 1-й антифон 4-го гласа. Прокимен, глас 4: Честна пред Господем / смерть преподобных Его. Стих: Что воздам Господеву о всех, / яже

воздаде ми? **Таже: Всякое дыханіе: Евангеліе от Матфея, зачало 43. Слава: Молитвами преподобных Твоих: И ныне: Молитвами Богородицы: Помилуй мя, Бже:**

По 50-м псалме стихира самогласна, глас 6:

Преподобнии отцы, / во всю землю изыде вещание исправлений ваших, / темже на Небесех обрели есте мзду трудов ваших, / демонския погубили есте полки, / и Ангельския достигли есте чины, / ихже житию непорочно поревновали есте, / дерзновение имуще ко Христу Богу, / мир испросите душам нашим.

Канон Богородицы, со ирмосом на 6, и святых два канона на 8. Канон святых, егже краестрочие по алфавиту. Глас 8.

Песнь 1

Ирмос: Колесницегонителя фараона погрузи, / чудотвори иногда / Моисейский жезл крестообразно поразив / и разделив море, / Израиля же беглеца, пешеходца, спасе, / песнь Бгови воспеваяща.

Восток добродетелей быв, солнце незаходящее, святителю отче, / ныне восхваляющему ты и просящему воспети ты, / твоими молитвами даруй ми достойно, / да воспую ты, Савво святителю, отче наш.

Царское презрев благородие, богатство и славу, мудре, / и взем крест, отче, на рамена, Христу последовал еси, / чистым помыслом Ему следуя, преподобне Савво святителю изряднейший.

Земледелец добродетельми и труды, / семя Божественное в душах, отче, верных посеял еси, / и ныне сторичествующий клас Божественных дел / воздал еси земледельцу и Творцу, Симеоне, верных похвало.

Богородичен: Богоявления Тебе ради удостоися, Богоблагодатная, смертное естество, / Неодержимаго бо во чреве Твоем обитавшаго, / паче ума и слова, Благословенная, родила еси, пребывающи Дева, Чистая.

**Ин канон общий
святѣм ктитором Сѣрбским
Симеону Мироточцу и святителю Савве
чудотворцу.**

Писан кир Феодосием священноиноком. Глас 4.

Песнь 1

Ирмос: *Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою, радуясь, Тоя чудеса.*

Отверзи уста моя, благих Подателю, Христе, / и, прием помощь, Духом слово благодарственно отрыгну молебней памяти Твоих угодник, / прием сих помощь, воспою, радуясь, Твою благодать.

Отверзи устне свой милостивне / и рuce на мольбу воздежи к Богу всех и Владыце, Симеоне, / избавити стадо твое от пленения и озлобления, / да ты почитаем, воспевающе твоя чудеса.

Отвергся, Савво, плотских родителей, / с ними духовне Троицы — всех Богу, усынился еси, / Ейже ныне предстояще, / рабы своя избавите насилия сопротивных и враг обстояния.

Богородичен: *Чистоты сокровище, радуйся, / Еюже от падения нашего востахом. / Радуйся, сладкоуханный крине, Владычице, верных благоухай, / кадило благовонное и миро многоценное.*

Песнь 3

Ирмос: *Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едице Человеколюбче.*

Дары светодательными озарен, преподобне, / демонский мрак всецело отгнал еси / и свет возсиял еси в сени смертной сидящим, / темже ты, Савво, почитаем.

На Господа всю, Божественнии преподобнии, возложивше надежду, / никакоже поколебаетесь, еже отпасти от лучшаго стояния, / но законно совершите Божественное течение ума правостию.

Жития чистаго улучшить потщавшися, / плоть на земли, Богоноснии, умертвили есте, / и ныне Безсмертную часть наследовали есте, / Христу, блаженнии, соцарствующе.

Богорóдичен: В сень смёртную впав, Чíстая, Ты призываю,/ Божéственную по́мощь Твою скоро послí ми,/ яко да спасён быв,/ досто́йно любóвию ублажаю Тя, я́коже прорекла еси́.

Ин

Ирмос: Твоя́ песнослóвцы, Богорóдице,/ живы́й и незавíстный исто́чнице,/ лик себé совокúплъ-шая духо́вно утверди́,/ в Божéственной Твое́й сла́ве/ венце́в сла́вы сподóби.

Тво́их раб, Благодéтелю, Животворя́щим Утёшителем Ду́хом Симео́на и Савву просла́вим,/ лик, сими́ духо́вне со́бранный, огради́ Божéственным покрóвом/ и благодáти сла́вы Твое́й сподóби.

Твоё досто́яние, Симео́не, предвари́ избáвити от расхищéния/ зверовíдно на них устремля́ющихся,/ и востáния страстéй нáших тво́ими моли́твами укроти́,/ и благодарне тво́я чудеса́ сла́вити сподóби.

Тво́им дерзновéнием, Савво, я́же ко Христу́,/ не престáй моля́ о воспева́ющих тя,/ и в ли́ке сих устро́ити спаса́емых/ и нападéния сопроти́вных избáвиться сим сподóби.

Богорóдичен: Ра́дуйся, двéре еди́на,/ Ё́юже Сло́во прóйде Еди́но,/ вере́й и врата́ а́дова, Влады́чице, рождество́м Тво́им сокруши́вшая./ Ра́дуйся, Божéственный вхо́де спаса́емых, Богоневéсто.

Ин конда́к, глас 4:

Днесь Симео́н с Саввою, блаже́ннии, в ду́се пришéдше,/ спаса́ют от обстоя́ний па́ству их:/ сий бо Трóицу проповéдаша Еди́наго Бо́га,/ Цéркве я́вишася утвержде́ние,/ в преподо́бных Мироточи́вый и во святых чудотворец:/ сий бо и во бра́нех небори́мии защи́тницы показáшася,/ Афóна похвалá и народа́ Сёрбскаго крéпость.

Седáлен, глас 8:

Ду́шу преда́вше любви́ Христо́вы,/ земна́я вся оставивше му́дре,/ всели́стеся, преподо́бнии, в пусты́нях и гора́х:/ вкуси́вше бо от дрéва вéдения, сла́внии,/ áки от вод тайнницы, Ангельски возсия́ли естé./ Тёмже тьму́ плотску́ю превозше́дше, мрак дéмонский отгна́ли естé,/ блаже́ннии Симео́не и Савво сла́внии:/ моли́те Христа́ Бо́га прегре-

шэний оставлэние даровати / любóвию прázдну-
ющим святую пáмьять вáшу.

Слáва, тойже. И ныне, Богорóдичен:

Яко Всенепорóчная Невéсто Творцá, / я́ко Неис-
кусомужная Мáти Избáвителя, / приятелище я́ко
сúщи Утэшителя, Всепéтая, / беззакóнию мя сúща
сквэрно жилище, / и дéмонов игралище, в рáзуме
бывша, / потщýся от сих злодéйствия мя избáви-
ти, / свéтло жилище добродéтелями соделавши, /
Светодáтельная и Нетлénная, разженí об́лак стра-
стéй и в́шняго причáстия сподóби, / и Свéта
Невечэрняго, мо́литвами Твоими.

Песнь 4

Ирмос: Услы́шах, Гóсподи, / смотре́ния Твоего́
та́инство, / разумéх дела́ Твоя́, / и прослáвих Твое́
Божество́.

Найтие Божéственного Дúха / яв́и вы светíльни-
ки, чудесы́ сияющия, / Симеóне и Сáвво всехвáль-
нии.

Божéственным озарéнием вверяеми, / яв́истеся,
áки огни́ / просвещáюще вёрных всех по́мыслы,
всеблажéннии.

Врачевáний благодáть Влады́ка всех вам
даровá / и власть изгоня́ти нечýстия дúхи, отцы́
досточúднии.

Богорóдичен: В нéдрех Седя́й, Чýстая, О́тчих, /
ны́не в Твои́х нéдрех, Чýстая, почи́, / тлénное
естество́ исправляя.

Ин

Ирмос: Седя́й в слáве на престóле Божества́ / во
облаце лéгце, / при́де Иису́с Пребожéственный /
Нетлénною Дланию и спасé зовúщия: / слáва,
Христé, síле Твоéй.

Седя́щаго в В́шних и Зря́щаго смире́нных, /
Симеóне Богонóсе и Сáвво святíteлю, прилэжно о
нас умо́лите / ущéдрити смире́ние на́ше и лю́тых
избáвити нас и спасти́ вопию́щих: / слáва síле
Твоéй, Гóсподи.

Седáлище мирскáго влады́чества оста́вив, /
смире́нием Влады́ще своему́ последовал еси́, / тэм-
же и богáтыми даровáньми прослáвил тя есть, /
Его́же непрестáнно, о́тче, моли́, / ста́до твоё от
расхищáющих е избáвити.

Сел еси на престоле высоко святительства / и упасл еси апостольски стадо свое / и обитель иноков составив, Божественными ученьми утвердил еси, / ихже и ныне молитвами своими сохрани невредимы от супостатных находений.

Богородичен: Тя, исплетшую миру нерукоплетенный венец, песнословим, / радуйся, Тебе, Дево, зовуще: / хранилище всех, и ограждение, и утверждение, и священное прибежище.

Песнь 5

Ирмос: Вскую мя отринул еси / от лица Твоего, Свете незаходимый, / и покрыла мя есть чуждая тьма, окайнаго, / но обрати мя, и к свету заповедей Твоих / пути моя направи, молюся.

Благодатныя струи изгоняющия недуги, / и власть на духи нечистыя дарова тебе Христос, мудре, / естество бо, отче, победив, / паче естества даров Духа причастник был еси.

Чистым умом и души крепостию, Богоблаженне, / вражия вся наветы на землю низвергл еси, / крест, яко скипетр, восприим на рамена со Саввою, всеблаженни.

Со Безплотными, с преподобными же, и святители, / со апостоли совершаем ваше торжество, / Богоносе Савво со отцем твоим Симеоном, / согласно всегда вас убажяюще.

Богородичен: Молящи не престай о воспевающих Тя, Святая Владычице, / Сына Твоего и Бога и Владыку и Господа, / яко да даст всем нам оставление грехов / и райских благ наслаждение.

Ин

Ирмос: Ужасошася всяческая / о Божественной славе Твоей: / Ты бо Неискусобрачная Дево, / имела еси во утробе над всеми Бога, / и родила еси Безлетнаго Сына, / всем воспевающим Тя / мир подавающая.

Удиви* на нас милости Твоей богатство, Господи, молитвами Твоих угодник, / Ты бо, Благосерде Владыко, приемиши тех, прилежно молящихся о нас, / и, от бури избавляя, смирение подаваеши.

Удивлен быв во всяческих: в смирении высоко-

* удиви — прояви.

твори́нем и мироизлия́нии оби́льнем, / ты бо, чудо-
твори́че преподо́бне, прие́млеши всех, ве́рою прите-
ка́ющих к тебе́, / и, моли́твами твои́ми от бед
избавля́я, смире́ние подава́еши.

Удиви́л еси́ всяк слух и ви́дение па́че естества́
чудотвори́тельными твои́ми, / звери́ным обузда́нием и
соста́ва* повинове́нием, и е́ще же и А́нгелу
повеле́нием, / ты же, вели́кий святи́телю, и на нас
покажи́ чудеса́ тво́я / и, моли́твами твои́ми от
ну́жных изба́вив, смире́ние пода́ждь.

Богоро́дичен: Простра́нное селе́ние Сло́ва, ра-
дуйся, Пречи́стая, / сосу́де, Божество́нный би́сер
произве́дшая: / радуйся, всечу́дное всех к Бо́гу
прими́рение, / блажа́щих Тя, Богоро́дице, всегда́.

Песнь 6

Ирмо́с: Очи́сти мя, Спа́се, / мно́га бо беззакони́я
мо́я, / и из глублины́ зол возведи́, молю́ся: / к Тебе́ бо
возопи́х, и услы́ши мя, / Бо́же спасе́ния моего́.

**Исто́чник исцеле́ний животвори́ющий / вои́стин-
ну гроб твой соде́лася, Симео́не, / ему́же предсто-
я́ще вси, ве́рнии, исцеле́ния восприе́млем.**

**Жити́е твое знаменито́, сла́ва, о́тче, ве́чна, / путь
же твой све́тел, / кончи́на честна́ пред Го́сподем
Бо́гом твои́м, Са́вво сла́вне.**

Отве́ргл еси́ су́щую на земли́ честь и сла́ву
легкоги́бную, / ве́чный же живо́т и досто́яние
непоколеби́мое, всеблаже́нне, воспри́ял еси́, / в
Небе́сных селе́ниях водвори́вшись незы́блемейше.

Богоро́дичен: Вседержи́телевою си́лою вся Но-
сый, / во объ́ятиях Твои́х, я́ко сме́ртный носим бе,
Де́во Всенепоро́чная, / избавля́я нас от руки́
вра́жия.

Ин

Ирмо́с: **Возопи́** прообра́зую погребе́ние
тридне́вное / проро́к Ио́на, в ките́ моля́ся: / от тли
изба́ви мя, Иису́се, Царю́ Сил.

Возопи́те ко Творцу́ и Бо́гу непреста́нно оби́тель
ва́шу непоколеби́му сохра́нити, / ю́же соста́вльша,
в ней по́стнически подвиза́стася, / я́ко при́сна
уго́дника Иису́су, Царю́ Сил.

* состава — естества.

Взываем к тебе, неключимая* чада твоя: / погребѣ в рове пагубнем ратующих нас мысленныя и чувственныя враги, / и от тли и напастей моли возвестѣ нас Иисуса, Царя Сил.

Взывая не престай о нас, / Ему же Жертвы Безкровныя принесл еси, яко истинен святитель, / сохрани нас от обышедших зол невредимы Иисусу, Царю Сил.

Богородичен: Радости вина, облагодати наш помысл, еже звати Тебе: / радуйся, неопалимая Купино, / облаче всесветлый, верныя непрестанно осеняющий.

Кондак, глас 2:

Горную жизнь возлюбивше, славнии, / жизнь сущую на земли презресте. / Сего ради в вышних со Ангелы всегда ликующе, / молитесь о всех нас.

Икос:

Кто возможет достойно похвалити / твоих на-трижнений и подвигов и трудов многих славу и величие? / Но молитвами твоими спомози ми, и даждь ми благодать Духа, / яко да изреку твою борения верно, / и воспою паче слова силу твою и крепость, всеблаженне, / ею же коварнаго врага посрамил еси, / Савво Богоносе с Симеоном Богомудрым, / не престайте молити о всех нас.

Песнь 7

Ирмос: Отроцы еврейстии в пещи / попраша пламень дерзновенно, / и на росу огонь преложивша, вопиюще: / благословен еси, Господи Боже, во веки.

Избавите от всякаго вреда и пленения вражескаго варварскаго, / прибегающия к вашей Божественной защите, / о Симеоне хвальне с Саввою, во веки.

Тело, душу же и сердце, и помысл и ум очистивше, / в Небесный ныне преставистесь брачный чертог, / о Симеоне хвальне с Саввою, во веки.

Жезл силы державы — спасительный крест, Савво добле, / испытания терпеливо подымлещи, вели-

* неключимая — негодные, недостойные.

кодушно воспевая: / благословен еси, Господи Боже, во веки.

Богородичен: Ты мя спаси, Дево, / и исхити из руки борющаго и коварнаго врага человекоубийцы, / яко да пою, спасаемый, Твою славу во веки.

Ин

Ирмос: Спасый во огни Авраамския Твоя отроки, / и халдеи убив / яже правда праведно уловляше, / препетый Господи, / Боже отец наших, благословен еси.

Спасению ходатая нам, Аврааму подобнаго, / Симеона приводим Ти, Владыко, / и, яко другаго Исаака, Савву священноначальника, / на Горѣ Святѣй в жертву принесшася Тебѣ, / ихже молитвами от бед избави нас, вопиющих: / препетый благословен Бог отец наших.

Спасения надежде да не погрешим, / надеющиеся сие тобою прияти, преподобне, / но да получим молитвами твоими страстем облегчение и душам спасение, взывающе: / препетый отец наших Боже, благословен еси.

Спасый себе мирскаго пристрастия крестолепно в пустыню Христу последовал еси, / в нейже во имя Того Пречистыя Матере обитель составив, / множество спасаемых Тому привел еси, / ейже, ныне моли Его, сохранитися неразориме во веки.

Богородичен: Молим раби Твои, и приклоняем колѣно сердца нашего: / приклони ухо Твое, Чистая, и спаси скорбьми погружаемая присно, / и соблюди от всякаго вражия пленения Твой град, Богородице.

Песнь 8

Ирмос: Седмерицею пещь / халдейский мучитель / Богочестивым неистовно разжже, / силу же лучшую спасены сия виде, / Творцу и Избавителю вопияше: / отроцы, благословите, / священницы, воспойте, / люди, возносите во вся веки.

Подвижническому жителству предавая себе, блаженнии, / вышшаго Богомыслия достигли есте, / приятелище показавшися вместительное Духа Животворящаго, поюще непрестанно: / люди, возносите Христа во веки.

Преставившись, предварил еси во град Сион, / во обители же вечныя приспел еси, / и, Небесную часть за труды обрет, / со Ангельскими ликостоянии воспеваяши: / отроцы, благословите, священницы, воспойте, / людие, превозносите Христа во веки.

Всесветел, яко солнце, пустыни просветил еси, / мрачныя отгнав демоны, / и столп всесветел досязающ до Неба был еси, чудотворная сияния испуская, / взывал еси непрестанно: / священницы, воспойте, людие, превозносите Христа во веки.

Богородичен: Невесто Божия Всенепорочная, / прибегающая к Тебе исхити от плена страстей, / и самовладычную свободу, Чистая, Церкви Православных подаждь, верою поющим: / священницы, воспойте, людие, превозносите Христа во веки.

Ин

Ирмос: Слыши, Отроковице Дево Чистая, / да речет убо Гавриил / совет Вышняго древний, истинный: / буди к приятию готова Божию, / Тобою бо Невместимый с человеки поживе. / Тем и, радуясь, вопию: / благословите, вся дела Господня, Господа.

Слыши, Благодетелю, Творче всех, моления, яже о нас, преподобных Твоих, / да явятся иже на ны советы * насилующих нам вскоре суетны, / и будем в благодарение готовы Тебе, / теми бо неудобь избавляемых избавляеми являемся, / тем и, веселящися, вопием: / благословите, вся дела, Господа, пойте и превозносите Его во веки.

Слышав глас Евангельский, преподобне Симеоне, / и реченные тобою обеты ко Христу соблюл еси, яко истинный Сего служитель, / и бысть на приятие готов Духови, / Егоже благодатию и нас сохрани невредимы / от навета борющихся ны видимых враг и невидимых.

Слышана быша твоя исправления, Савво всеблаженне, / прием бо благодать Духа, заблуждение обратил еси на путь истины, / буди на приятие

* советы — злоумышления.

готов молѣния нашего, / тобою и ныне настоящих бед и душевных страстей избавитися нам и благодарственне взывати: / благословите, вся дела, Господа, пойте и превозносите во вся веки.

Богородичен: Мѣру рождающая спасение, имже от земли на высоту взяти быхом, / радуйся, Всеблагословенная, покрове и державо, / стено и утверждение, поющим, Чистая: / Господа пойте, дела, и превозносите во вся веки.

Песнь 9

Ирмос: *Войстинну Богородицу / Тя исповедуем, / спасеннии Тобою, Дево Чистая, / с Безплотными лики Тя величающе.*

Радости и веселия духовнаго всех / ваша память исполняет, славнии, / верою и любовью сию празднующих.

Псалмы и пѣнии ныне вас похваляем / и ублажаем в пѣснях днесь, / к Божественному храму вашему прибегаяще.

О отче Богоносе, Савво иерарше / с Симеоном, отцем твоим, / молитесь о нас, почитающих святую память вашу.

Богородичен: *Благолюбивая Дево, / озлобленную грехом душу мою удобри, / Всеблагое Слово плотию носившая.*

Ин

Ирмос: *Яко одушевленному Божиию кивоту, / да никакоже коснется рука скверных, / устне же верных Богородице немолчно, / глас Ангела воспевающе, с радостию да вопиют: / радуйся, Благодатная, Господь с Тобою.*

Якоже спасительный, Твоим повелением сотворенный, Владыко, кивот, / тако сохрани Церковь верных от потопа ересей и насилия ратующих / молением Симеона преподобнаго и Саввы архiereя, всебогатых и приснопамятных.

Якоже священиа законный кивот / искушение гнева Божия наведе беззаконне одержавшим и дерзостно прикоснувшемуся, / тако, молимся, Богоносе Симеоне, сотвори иже стаду твоему насилующим, / храм раки мощей твоих, иже тебе, отче, в небрежение вменяющим.

Яко священствий Божественных истинный служитель, / дерзновение имея к Пастыреначальнику Христу, / никакоже да оставиши расхищену, ни прикосновену быти стаду твоему руками неверных и безстудных, / иже состави многими поты, Савво блаженне.

Богородичен: Попадѣ, Божѣ, наслѣдие Твое, грехѣ наша вся презрѣх ныне, / на сие имея Молящую Тя, на земли безсеменно Тебѣ Родшую, / великия ради милости восхотѣвшаго вообразитися, Христѣ, в человечество.

Светѣлен:

Чудотворцы светѣльницы, Симеоне со Саввою, / уврачуйте души наша и телесе недуги, / от Господа приймше благодать исцелений.

Слава:

Двое светѣльники светозарныя, / святителя Савву с преподобным Симеоном, / Божественныя отцы и учителя наша, / в песнях dobroglasnykh вси да почитим.

И ныне:

Сущих от Бога даемых миру благ, / Ты причиною была еси, Пречистая, / но и ныне умилостиви Сына Твоего, Богородице, о общем спасении.

На хвалѣтех стихѣры на 4, глас 8:

О, преславнаго чудесе, / светосиянный и радостный отецъ праздник ныне нам возсия, Симеона и Саввы, / темже приидите верою, / снѣдем вкупе, в памяти их веселящися, и возопѣем: / молѣнии их спаси ны, Господи Человеколюбче, яко Всеблагий.

Отче Симеоне Богомудре / светосиянный ум, чисто озаряем, имеяй, / страстей умирѣл еси многоволненное море, / и безстрастия чистейшими крылы облетая, / приспѣл еси, идеже неизреченная доброта неописуемая, / о нас всегда моляся, хвалящих тя.

Савво Богоглагольниче всеумудре, / священства правило, целомудрия образ, монахов укрепление, / Церкви утверждение, любви светило, престол чувства, / источник чудес, язык огненный, уста сладкоглаголивая, / сосуд Божияго Духа и рай умный был еси, Богоблаженне.

Сла́ва, глас 2:

Добродéтелей лéствица / и óбраз показáшася на
земли́ та́инственно, святы́и, / ихже восхва́лим я́ко
пóстников украше́ние, / подвизáшася бо во́истин-
ну, я́ко Вели́кий Анто́ний, / безме́рное у́бо смире́-
ние яви́ша / и упáсше народ их благоче́стно, / во
огра́ду святу́ю введо́ша, / иде́же лик А́нгелов
пребыва́ет. / Сего́ ра́ди вопие́м приле́жно: / не
забу́дите па́сты вáшея, Са́вво и Симеóне всебла-
же́ннии, / спаса́ти ду́ши на́ша.

И ны́не, Богоро́дичен, глас то́йже:

Все упова́ние мое на Тя возлага́ю, / Ма́ти Бо́-
жия, / сохрани́ мя под кро́вом Твои́м.

Славословие великое.

НА ЛИТУРГИИ

Блаже́нны от канóна святы́х, песнь 3-я и 6-я.
Прокі́мен, глас 7: Восхва́лятся преподо́бнии во
сла́ве, / и возра́дуются на ло́жах свои́х. Стих:
Воспойте Господеви песнь нову: Апóстол к Гала́-
том, зача́ло 213. Аллилу́ия, глас 6: Блаже́н муж,
бойся Го́спода, / в за́поведех Его́ восхо́щет зело́.
Ева́нгелие от Матфе́я, зача́ло 43. Прича́стен: В
па́мьть ве́чную бу́дет пра́ведник:

Великий подвижник XII века — преподобный Симеон Мироточивый (в миру Стефан Неманя) — родился в 1114 году. Он был великим жупаном (князем) Сербии, создателем независимого Сербского государства, ревнителем Православия и искоренителем ересей.

Стефан Неманя родился в г. Зето местечка Рибница. В наследство ему досталось управление довольно значительным уделом. В 1149 году он стал Рашским жупаном, а с 1165 года святой Стефан Неманя начал объединение сербских земель, отнятых ранее у дедов могущественными врагами. Кроме того, он ревностно трудился в утверждении Православия, защищая свой народ от влияния латинства и ересей.

Святой основал несколько монастырей: в честь Пресвятой Богородицы, святителя Николая, святого великомученика Георгия. Это вызвало недовольство его старших братьев, так как они усмотрели в этом гор-

дость и желание прославить свое имя. Напрасно святой Стефан Неманя пытался умиротворить их. Ненависть братьев была столь велика, что привела к междоусобной войне. Накануне решающей битвы святой великомученик Георгий явился одному монаху, близкому святому Стефану, и обещал свою чудесную помощь. Святой Стефан вышел победителем в войне и стал единолично править своим отечеством. Он был мудрым, благочестивым и милостивым правителем. Своих сыновей и дочерей святой Стефан воспитал в правоте и чистоте. Когда в Сербии стала распространяться ересь (в источниках не говорится, какая именно, возможно, богомильская), святой Стефан созвал Поместный Собор, обличивший и осудивший отступников. Среди еретиков были высокопоставленные, могущественные лица, которые не желали подчиниться постановлениям Собора. Тогда святой Стефан послал против них войско. Не-

верные были разбиты, уцелевшие покинули пределы страны, а имущество их было роздано прокаженным и нищим.

На 38 году правления святой Стефан отрекся от престола в пользу своих сыновей Вукана и святого Стефана Первовенчанного (+24 сентября 1224). 25 марта 1195 года, в день Благовещения Божией Матери, он принял монашеский постриг с именем Симеон. В тот же день приняла постриг Богом данная ему супруга Анна (в монашестве Анастасия). Два года подвизался блаженный старец в основанном им монастыре Студеница, следуя правилам святых и Богоносных отцов. Но желая достигнуть высшей духовной ступени и помня слова Священного Писания: «Никакой пророк не принимается в своем отечестве» (Лк. 4, 24), преподобный Симеон отправился 2 ноября 1197 года на Афон, где присоединился к своему младшему сыну святому Савве, впоследствии архиепископу Сербскому (Савве Первому). Прожив некоторое время в монастыре Ватопед, преподобный Симеон вместе со святым Саввой приняли решение основать новый монастырь. Все необходимое для строительства дал сын преподобного Симеона, святой Стефан. Так возник сербский монастырь на Святой Горе — Хиландар. Святой старец сделал большие вклады и в другие афонские монастыри. Христолюбивые монахи Святой Горы дивились его кротости, смирению и великой решимости следовать Евангельским путем.

Блаженный Симеон жил в своем монастыре по всем правилам монашеского устава, по примеру древних святых преподобных отцов: оставив все земное, пребывая телом на земле, а душой на Небесах. Упокоился он 13 февраля 1200 года в возрасте 86 лет. Предчувствуя кончину, преподобный заранее попросил привести к нему духовника и всю братию. Он со всеми ласково простился, прося их святых молитв, и за 7 дней до смерти перестал вкушать земную пищу, но



причащался Небесной — Святых Христовых Таин. Последние слова святого старца были: «Хвалите Его на силах Его, хвалите Его по множеству величества Его».

Величайший подвиг преподобного Симеона состоял в том, что он не только сам всей своей жизнью исповедовал Христа, но просветил верой отечество, искоренил ереси, умножил стадо Христово и дал возможность, по воле Божией, вот уже почти 800 лет подвизаться православным сербам и другим славянам в родном для них монастыре на Святом Афоне. По своей смерти преподобный Симеон являл множество чудес, а рака его в изобилии источала драгоценное миро.

Святой Савва перенес останки своего отца на родину в Сербию и положил в церкви Пресвятой Богородицы на реке Студенице. Этот храм преподобный Симеон воздвиг и богато украсил, будучи еще князем.

